

晉

書

料

注

晉書斟注卷四十八

錢塘吳士鑑

同注

烏程劉承幹

列傳第十八

向雄

向雄字茂伯河內山陽人也父韶彭城太守雄初仕郡

爲主簿事太守王經及經之死也雄哭之盡哀市人咸

爲之悲

魏志夏侯立傳注世語曰經爲司隸校尉辟河

內向雄爲都官從事經刑於東市雄哭之感動
一市人及經母雍州故吏皇甫晏以家財收葬焉勞格
校勘記曰經爲司隸校尉非太守也案本傳下文鍾會
爲司隸校尉辟雄爲都官從事
郭頌以司隸屬之王經誤也
後太守劉毅嘗以非罪

答雄

世說方正篇曰有公事不及雄而太守劉準橫怒

秋人

少以清正稱累遷河南太守侍中尚書僕射司徒

晉書

校文三曰宋史繩祖學齊佔畢及近人銅熨斗齋

隨筆

謂晉有兩劉毅以劉仲雄及此傳所載者當之蓋

不知

毅實為劉準之誤又世說雅量篇注引鄧粲晉紀周

亦異

攷仲雄傳既未為河內太守亦未遷侍中則此文

劉毅

當為劉準之誤又世說雅量篇注引鄧粲晉紀周

亦見

馥本傳殆即此人及吳奮代毅為太守又以少譴

繫雄

於獄世說方正篇注案王隱孫盛不與故君相聞

牛不

充呈郡輒隨比送洛值天大熱郡送牛多渴死臺

法甚

重太守吳奮召雄與杖雄不受杖曰郡牛者亦死

也呈

牛者亦死也司隸鍾會於獄中辟雄為都官從事

奮大

怒下雄獄

會死無人殯斂雄迎喪而葬之

書鈔六十八晉春秋讖

功曹鍾會誅雄收而葬之案習氏

文帝召雄而責之曰

以雄為功曹與傳作都官從事異

往者王經之死卿哭王經於東市我不問也今鍾會躬

為叛逆又輒收葬若復相容其如王法何雄曰昔者先

王掩骼埋胔仁流朽骨

魏志鍾會傳注引漢晉春秋朽作枯

當時豈先卜

其功罪而後葬之哉今王誅既加於法已備雄感義收

葬教亦無闕法立於上教弘於下

魏志鍾會傳注引漢晉春秋此句下有以

此訓物雄曰

何必使雄違生背死以立於時殿下讎枯

骨而捐之中野為將來仁賢之資不亦惜乎

魏志鍾會傳注引漢

晉春秋作殿下讐對枯骨捐之中野百歲之後為感獲所笑豈仁賢所掩哉

帝甚悅與談宴

而遣之累遷黃門侍郎時吳奮劉毅俱為侍中同在門

下雄初不交言武帝聞之勅雄令復君臣之好

世說方正篇注

按王隱孫盛不與故君相聞議曰奮爲侍中同省相避不相見武帝聞之給雄酒禮使詣奮解雄乃奉詔此則非劉淮也案本傳吳奮劉毅確爲二事孝標云此非劉淮蓋但知吳奮一事也惟劉毅則當是劉準之誤準又脫誤爲雄不得已乃詣毅再拜日向被詔命君臣義絕淮也

如何於是卽去帝聞而大怒

世說方正篇作武帝問雄曰

我令卿復君臣之好何以故絕

世說方正篇作猶絕

雄曰古之

君子進人以禮退人以禮今之進人若加諸膝退人若

墜諸川劉河內於臣不爲戎首亦已幸甚安復爲君臣

之好帝從之

世說方正篇今之進人作今之君子劉河內於臣不爲戎首作臣於劉河內不爲戎

首通典九十九王隱議向雄事曰禮雖云君不君臣不可以不臣當爲小惡也三諫不從則去不見齒於其君則不敢立其朝至如仲子稱人以國士遇我我以國士報之人以凡人遇我我以凡人報之此猶輕于戎首則

可逢而避之至死不往可也雄無詔敕逢避未可非也泰始中累遷秦州刺史假

赤幢曲蓋鼓吹賜錢二十萬咸寧初入爲御史中丞遷

侍中又出爲征虜將軍

案世說方正篇注引世語作護軍將軍恐誤

太康初

爲河南尹賜爵關內侯齊王攸將歸藩雄諫曰陛下子弟雖多然有名望者少齊王卧在京邑所益實深不可不思帝不納雄固諫忤旨起而徑出遂以憤卒弟匡惠帝世爲護軍將軍

段灼

段灼字休然敦煌人也世爲西土著姓果直有才辯少仕州郡稍遷鄧艾鎮西司馬從艾破蜀有功封關內侯

累遷議郎武帝卽位灼上疏追理艾曰故征西將軍鄧艾心懷至忠而荷反逆之名平定巴蜀而受三族之誅臣竊悼之惜哉言艾之反也以艾性剛急矜功伐善而不能協同朋類輕犯雅俗失君子之心故莫肯理之臣敢昧死言艾所以不反之狀艾本屯田掌犢人宣皇帝拔之於農吏之中顯之於宰府之職處內外之官據文武之任所在輒有名績固足以明宣皇帝之知人矣會值洮西之役官兵失利刺史王經困於圍城之中當爾之時二州危懼隴右慄慄幾非國家之有也先帝以爲深憂重慮思惟可以安邊殺敵莫賢於艾故授之以兵

馬解狄道之圍圍解留屯上邽承官軍大敗之後士卒
破膽將吏無氣倉庫空虛器械殫盡艾欲積穀彊兵以
待有事是歲少雨又爲區種之法孫玉庭區種五種記
區田之法始於伊尹顧商周之世書多不傳傳者見於
汜勝之農書漢藝文志農家記勝之書十八篇留心民
事講求實用於農政言之特詳故周禮草人疏稱漢時
農書數家汜勝爲上隋唐二志並著于錄其時尙有傳
本自唐以後遂至散佚
蓋樹藝之術不講久矣手執耒耜率先將士所統萬數
而身不離僕虜之勞親執士卒之役故落門段谷之戰
能以少擊多摧破彊賊斬首萬計遂委艾以廟勝成圖
指授長策艾受命忘身龍驤麟振前無堅敵蜀地阻險
山高谷深而艾步乘不滿二萬束馬懸車自投死地勇

氣陵雲將士乘勢故能使劉禪震怖君臣面縛軍不踰時而巴蜀蕩定此又一作艾固足以彰先帝之善任矣艾

功名已成亦當書之竹帛傳祚萬世七十老公復何所求哉艾以禪初降遠郡未附矯令承制權安社稷雖違常科有合古義原心定罪事可詳論故鎮西將軍鍾會有吞天下之心恐艾威名知必不同因其疑似構成其事艾被詔書即遣彊兵束身就縛不敢願望誠自知奉見先帝必無當死之理也會受誅之後艾參佐官屬部曲將吏愚戇相聚自共追艾破壞檻車解其囚執艾在困地是以狼狽失據夫反非小事若懷惡心即當謀及

豪傑然後乃能興動大衆不聞艾有腹心一人臨死口
無惡言獨受腹背之誅豈不哀哉故見之者垂涕聞之
者歎息此賈誼所以慷慨於漢文天下之事可爲痛哭
者良有以也陛下龍興闡弘大度受誅之家不拘敘用
聽艾立後祭祀不絕昔秦人憐白起之無罪吳人傷子
胥之冤酷皆爲之立祠天下之人爲艾悼心痛恨亦由
是也謂可聽艾門生故吏收艾尸柩歸葬舊墓還其田
宅以平蜀之功繼封其後使艾闔棺定謚死無所恨赦
冤魂於黃泉收信義於後世則天下徇名之士思立功
之臣必投湯火樂爲陛下死矣帝省表甚嘉其意灼後

復陳時宜曰臣聞天時不如地利地利不如人和三里

之城五里之郭

臧琳經義雜記曰孟子公孫丑下作三

郭爲外

城二里已不爲狹若城三里而郭七里是

外城反過倍於內城矣

外城既有七里內城又當不止

三里段兩言五里之郭必非誤

陳倬數經筆記曰齊策

安平君以惴惴之郭墨三里之城五里之郭倬案孟子

三里之郭七里之郭晉書段灼傳引作五里之郭蓋古

制降殺以兩五七形近而譌

顯謬此又古本孟子之

證一圖圍而攻之有不剋者此天時不如地利城非不高

池非不深穀非不多兵非不利委而去之此地利不如

人和然古之王者非不先推恩德結固人心人心苟和

雖三里之城五里之郭不可攻也人心不和雖金城湯

池不能守也臣推此以廣其義舜彈五絃之琴詠南風

之詩而天下自理由堯人可比屋而封也曩者多難姦
雄屢起攪亂眾心刀鋸相乘流死之孤哀聲未絕故臣
以爲陛下當深思遠念杜漸防萌彈琴詠詩垂拱而已
其要莫若推恩以協和黎庶故推恩足以保四海不推
恩不足以保妻子是故唐堯以親睦九族爲先周文以
刑于寡妻爲急明王聖主莫不先親後疏自近及遠臣
以爲太宰司徒衛將軍三王宜留洛中鎮守

晉略日三王太宰安

平王孚司徒義陽王望衛將軍齊王攸

其餘諸王自州征足任者年十五

以上悉遣之國爲選中郎傅相才兼文武以輔佐之聽
於其國繕修兵馬廣布恩信必撫下猶子愛國如家君

臣分定百世不遷連城開地爲晉魯衛所謂盤石之宗
天下服其疆矣雖云割地譬猶囊漏貯中亦一家之有
耳若慮後世疆大自可豫爲制度使得推恩以分子弟
如此則枝分葉布稍自削小漸使轉至萬國亦後世之
利非所患也昔在漢世諸呂自疑內有朱虛東牟之親
外有諸侯九國之疆故不敢動搖於今之宜諸侯疆大
是爲太山之固非我族類其心必異而魏法禁錮諸王
親戚隔絕不祥莫大焉閒者無故又瓜分天下立五等
諸侯上不象賢下不議功而是非雜糅例受茅土似權
時之宜非經久之制將遂不改此亦煩擾之人漸亂之

階也夫國之興也由於九族親睦黎庶協和其衰也在於骨肉疏絕百姓離心故夏邦不安伊尹歸殷殷邦不利呂氏入周殷監在於夏后去事之誠誠來事之鑒也又陳曰昔伐蜀募取涼州兵馬羌胡健兒許以重報五千餘人隨艾討賊功皆第一而乙亥詔書州郡將督不與中外軍同雖在上功無應封者唯金城太守楊欣所領兵以逼江由之勢得封者三十人自金城以西非在欣部無一人封者苟在中軍之例雖下功必侯如州郡雖下功高不封

周家祿校勘記曰下衍文涉上雖下功必侯而誤

非所謂近不

重施遠不遺恩之謂也臣聞魚懸由於甘餌勇夫死於

重報故荆軻慕燕丹之義專諸感闔閭之愛匕首振於秦庭吳刀耀於魚腹視死如歸豈不有由也哉夫功名重賞士之所競不平致怨由來久矣詩云尸鳩在桑其子七兮淑人君子其儀一兮臣以爲此等宜蒙爵封灼前後陳事輒見省覽然身微宦孤不見進序乃取長假還鄉里臨去遣息上表曰臣受恩三世剖符守境試用無績沈伏數年犬馬之力無所復堪陛下弘廣納之聽採狂夫之言原臣侵官之罪不問干忤之愆天地恩厚於臣足矣臣聞忠臣之於其君猶孝子之於其親進則有欣然之慶非貪官也退則有戚然之憂非懷祿也其

意在於不忘光君榮親情所不能已已者也臣伏自悼私懷至恨生長荒裔而久在外任自還抱疾未嘗覲見陛下竟不知臣何人此臣之恨一也遭運會之世值有事之時而不能垂功名於竹帛此臣之恨二也逮事聖明之君而佞悴羸劣陳力又不能當歸死於地下此臣之恨三也哀二親早亡隕兄弟並凋喪孝敬無復施於家門此臣之恨四也夏之日忽以過冬之夜尋復來人生百歲尙以爲不足而臣中年嬰災此臣之恨五也慙日月之所養愧昊蒼而無報此臣之所以懷五恨而歎息臨歸路而自悼者也語有之曰華言虛也至言實也

苦言藥也甘言疾也臣欲言天下太平而靈龜神狐未見仙芝萐莆未生麒麟未游乎靈禽之囿鳳皇未儀於太極之庭此臣之所以不敢華言而爲佞者也昔漢高祖初定天下于時戍卒婁敬上書諫曰陛下取天下不與成周同而欲比隆成周臣竊以爲不侔於是漢祖感悟深納其言賜姓爲劉氏又顧謂陸賈曰爲我著秦所以亡而吾所以得之者賈乃作新語之書述敘前世成敗以爲勸戒又田肯建一言之計非親子弟莫可使王齊者而受千金之賜故世稱漢祖之寬明博納所以能成帝業也今之言世者皆曰堯舜復興天下已太平矣

臣獨以爲未亦竊有所勸焉且百王垂制聖賢吐言來
事之明鑒也孟子曰堯不能以天下與舜則舜之有天
下也天與之也昔舜爲相堯崩三年之喪畢舜避堯之
子於南河天下諸侯朝覲者獄訟者不之堯之子而之
舜舜曰天也乃之中國踐天子位焉若居堯之宮逼堯
之子非天所與者也曩昔西有不臣之蜀東有僭號之
吳三主鼎足並稱天子魏文帝率萬乘之衆受禪於廢
陂而自以德同唐虞以爲漢獻卽是古之堯自謂卽是
今之舜乃謂孟軻孫卿不通禪代之變遂作禪代之文
刻石垂戒班示天下傳之後世亦安能使將來君子皆

曉然心服其義乎然魏文徒希慕堯舜之名推新集之
魏欲以同於唐虞之盛忽骨肉之恩忘藩屏之固竟不
能使四海賓服混一皇化而于時羣臣莫有諫者不其
過矣哉孫卿曰堯舜禪讓是不然矣天下者至重也非
至彊莫之能任至大也非至辯莫之能分至衆也非至
明莫之能見此三至者非聖人莫之能盡由此言之孫
卿孟軻亦各有所不取焉陛下受禪從東府入西宮兵
刃耀天旌旗翳日雖應天順人同符唐虞然法度損益
則亦不異於昔魏文矣故宜資三至以彊制之而今諸
王有立國之名而無襟帶之實又蜀地有自然之險是

歷世姦雄之所闖闕遁逃之所聚也而無親戚子弟之
守此豈深思遠慮杜漸防萌者乎昔漢文帝據已成之
業六合同風天下一家而賈誼上疏陳當時之勢猶以
爲譬如抱火厝於積薪之下而寢其上火未及然因謂
之安此言誠存不忘亡安不忘亂者也然臣之惓惓亦
竊願陛下居安思危無日高高在上常念臨深之義不
忘履冰之戒盡除魏世之弊法綏以新政之大化使萬
邦欣欣喜戴洪惠蠱蟲草木咸蒙恩澤朝廷詠康哉之
歌山藪無伐檀之人此固天下所視望者也陛下自初
踐阼發無諱之詔置箴諫之官赫然寵異諤諤之臣以

明好直言之信恐陳事者知直言之不用皆杜口結舌
祥瑞亦曷由來哉臣無陸生之才不在顧問之地蓋聞
主聖臣直義在於有犯無隱臣不惟疏遠未信而言敢
厯論前代隆名之君及亡敗之主廢興所由又博陳舉
賢之路廣開養老之制崇必信之道又張設議者之難
凡五事以聞臣之所言皆直陳古今已行故事非新聲
異端也辭義實淺不足採納然臣私心誠謂有可發起
覺悟遺忘願陛下察臣愚忠愍臣狂直無使天下以言
者爲戒疾痛增篤退念桑梓之詩惟狐死之義輒取長
休歸近墳墓願瞻宮闕繫情皇極不勝丹款遣息穎表

言其一日臣聞善有章也著在經典惡有罰也戒在刑書上自遠古下泊秦漢其明王霸主及亡國闇君故可得而稱至于忠蹇賢相及佞諂姦臣亦可得而言故朝有諤諤盡規之臣無不昌也任用阿諛唯唯之士無不亡也是有國者皆欲求忠以自輔舉賢以自佐而亡國破家者相繼皆由任失其所謂賢者不賢忠者不忠也臣謹言前任賢所由興任不肖所以亡者堯之末年四凶在朝而不去八元在家而不舉然致天平地寧四門穆穆其功固在重華之爲相夏癸放於鳴條商辛梟於牧野此俱萬乘之主而國滅身擒由不能屬任賢相

用婦人之言荒淫無道肆志沈宴作靡靡之樂長夜之
飲於是登糟丘臨酒池觀牛飲望肉林龍逢忠而被害
比干諫而剖心天下之所以歸惡者也太甲暴虐顛覆
湯之典制於是伊尹放之桐宮而能改悔反善三年而
後歸于亳既已放而復還殷道微而復興諸侯咸服號
稱太宗實賴阿衡之盡忠也周室既衰諸侯並爭天王
微弱政遂陵遲齊桓公淫亂之主耳然所以能九合一
匡之功有尊周之名誠管夷吾之力及其死也蟲流出
門豈非任豎貂之過乎且一桓公之身得管仲其功如
彼用豎貂其亂如此夫榮辱存亡實在所任可不審哉

秦本伯翳之後微微小邑至秦仲始大有車馬禮樂侍
御之好焉自穆公至於始皇皆能留心待賢遠求異士
招由余於西戎致五穀於宛市取丕豹於晉鄉迎蹇叔
於宗里由是四方雄俊繼踵而至故能世爲彊國吞滅
諸侯奄有天下兼稱皇帝由謀臣之助也道化未涓崩
于沙丘胡亥乘虐用詐自立不能弘濟統緒克成堂構
而乃殘賊仁義毒流黔首故陳勝吳廣奮臂大呼而天
下響應於是趙高逆亂閭閻樂承指二世窮迫自戮望夷
子嬰雖立去帝爲王孤危無輔四旬而亡此由邪臣擅
命指鹿爲馬所以速秦之禍也秦失其鹿豪傑競逐項

羽既得而失之其咎在烹韓生而范增之謀不用假令羽既距項伯之邪說斬沛公于鴻門都咸陽以號令諸侯則天下無敵矣而羽距韓生之忠諫背范增之深計自謂霸王之業已定都彭城還故鄉爲畫被文繡此蓋世俗兒女之情耳而羽榮之是故五載爲漢所擒至此尙不知覺悟乃曰天亡我非戰之罪甚痛矣哉且夫士之歸仁猶水之歸下禽之走曠野

案士孟子作民此避唐諱禽之走曠野孟子

子作獸之走曠白虎通云禽者鳥獸之總名禮記曲禮正義曰通而爲說鳥不可曰獸獸亦可曰禽故易曰王用三驅失前禽則驅走者亦曰禽周禮司馬職云大獸公之小禽私之以此而言則禽未必皆鳥又康成注周禮云凡鳥獸未孕曰禽周禮又云以禽作六犂卿羔大夫雁以此諸經證禽名通獸者以其小獸可擒故得通

名禽也

故曰爲川驅魚者獺也爲藪驅雀者鷃也爲湯武

驅人者桀紂也漢高祖起於布衣提三尺之刃而取天下用六國之資無唐虞之禪豈徒賴良平之奇謀盡英雄之智力而已乎亦由項氏爲驅人也子孫承基二百餘年逮成帝委政舅家使權勢外移安昌侯張禹者漢之三公成帝保傅也帝親幸其家拜禹牀下深問天災人事禹當惟大臣之節爲社稷深慮忠言嘉謀陳其災患則王氏不得專權寵王莽無緣乘勢位遂託雲龍而登天衢令漢祚中絕也禹佞諂不忠挾懷私計徒低仰於五侯之閒苟取容媚而已是以朱雲抗節求尙方斬

馬劔欲以斬禹以戒其餘可謂忠矣而成帝尙復不寤乃以爲居下訕上廷辱保傅罪死無赦詔御史將雲下欲急烹之雲攀殿折檻幸賴左將軍辛慶忌叩頭流血以死爭之若不然則雲已摧碎矣後雖釋檻不修欲以彰明直臣誠足以爲後世之戒何益於漢室所由亡也哉然世之論者以爲亂臣賊子無道之甚者莫過於莽此亦猶元作由紂之不善不如是之甚也傳稱莽始起外戚折節力行以要名譽宗族稱孝朋友歸仁及其輔政成哀之際勤勞國家動見稱述然于時人士詣闕上書薦莽者不可稱紀內外羣臣莫不歸莽功德遭遇漢室

中微國嗣三絕而太后壽考爲之宗主故莽得遂策命
孺子而奪其位也昔湯武之興亦逆取而順守之耳向
莽深惟殷周取守之術崇道德務仁義履信實去華僞
施惠天下十有八年恩足以感百姓義足以結英雄人
懷其德豪傑竝用如此宗廟社稷宜未滅也光武雖復
賢才大業詎可冀哉莽卽位之後自謂得天人之助以
爲功廣三王德茂唐虞乃自驕矜奮其威詐班宣符讖
震暴殘酷窮凶極惡人怨神怒冬雷電以驚其耳目夏
地動以惕其心腹而莽猶不知覺悟方復重行不順時
之令竟連伍之刑佞媚者親幸忠諫者誅夷由是天下

忿憤內外俱發四海分崩城池不守身死於匹夫之手
爲天下笑豈不異哉其所由然者非取之過而守之非
道也莽旣屠肌六合雲擾劉聖公已立而不辨盆子承
之而覆敗公孫述又稱帝於蜀漢如此數子固非所謂
應天順人者徒爲光武之驅除者耳夫天下者蓋亦天
下之天下非一人之天下也殷商之旅其會如林矢于
牧野維予侯興又曰侯服于周天命靡常由此言之主
非常人也有德則天下歸之無德則天下叛之故古之
明王其勞心遠慮常如臨川無津涯於是法天地象四
時隆恩德敬大臣近忠直遠佞人仁孝著乎宮牆弘化

治乎兆庶爲平直如砥矢信義感人神雖有椒房外戚
之寵不受其委曲之言雖有近習愛幸之豎不聽其姑
息之辭四門穆穆闕而不闔待諫者而無忌恆戰戰慄
慄不忘戒懼所以欲永終天祿恐爲將來賢聖之驅除
也且臣聞之懼危者常安者也憂亡者恆存者也使夫
有國之君能安不忘危則本枝百世長保榮祚名位與
天地無窮亦何慮乎爲來者之驅除哉傳有之曰狂夫
之言明主察焉其二曰士之立業行非一概吳起貪官
母死不歸殺妻求將不孝之甚然在魏使秦人不敢東
向在楚則三晉不敢南謀曾參閔騫誠孝子也不能宿

夕離其親豈肯出身致死涉危險之地哉今大晉應期
運之所授齊聖美於有虞而吳人不臣稱帝私附此亦
國之羞也陛下誠欲致熊羆之士不二心之臣使奮威
淮浦震服蠻荆者故宜疇咨博采廣開貢士之路薦巖
穴舉賢才徵命考試匪俊莫用今臺閣選舉塗一作塞

耳目九品訪人唯問中正故據上品者非公侯之子孫
則當塗之昆弟也二者苟然則華門蓬戶之俊安得不
有陸沈者哉其三曰昔田子方養老馬而窮士知所歸
況居天下之廣居立天下之正位行天下之大道乎昔
明王聖主無不養老老人眾多未必皆賢不可悉養故

父事三老所以明孝宗事五更所以明敬孟子曰吾老
以及人之老吾幼以及人之幼今天下雖定而華山之
陽無放馬之羣桃林之下未有休息之牛故以吳人尙
未臣服故也夫饑者易爲食渴者易爲飲天下元元瞻
望新政願陛下思子方之仁念犬馬之勞思帷蓋之報
發仁惠之詔廣開養老之制其四曰法令賞罰莫大乎
信古人有言人而無信不知其可況有養人以惠使人
以義而可以不信行之哉臣前爲西郡太守被州所下
己未詔書羌胡道遠其但募取樂行不樂勿彊臣被詔
書輒宣恩廣募示以賞信所得人名卽條言征西其晉

人自可差簡丁彊如法調取至於羌胡非恩意告諭則無欲度金城河西者也自往每興軍渡河未曾有變故刺史郭綬勸帥有方深加獎厲要許重報是以所募感恩利賞遂立績效功在第一今州郡督將並已受封羌胡健兒或王或侯不蒙論敘也晉文猶不貪原而失信齊桓不惜地而背盟況聖主乎其五曰昔周漢之興樹親建德周因五等之爵漢有河山之誓及其衰也神器奪於重臣國祚移於他人故滅周者秦非姬姓也代漢者魏非劉氏也於今國家大計使異姓無裂土專封之邑同姓並據有連城之地縱復令諸王後世子孫還自

相并蓋亦楚人失繁弱於雲夢尙未爲亡其弓也其於神器不移他族則始祖不遷之廟萬年億兆不改其名矣大晉諸王二十餘人而公侯伯子男五百餘國欲言其國皆小乎則漢祖之起俱無尺土之地況有國者哉將謂大晉世世賢聖而諸侯之胤常不肖邪則放勛欽明而有丹朱瞽瞍頑凶而有虞舜天下有事無不由兵而無故多樹兵本廣開亂原臣故曰五等不便也臣以爲可如前表諸王宜大其國增益其兵悉遣守藩使形勢足以相接則陛下可高枕而卧耳臣以爲諸侯伯子男名號皆宜改易之使封爵之制祿奉禮秩並同天下

諸侯之例臣聞與覆車同軌者未嘗安也與死人同病者未嘗生也與亡國同法者未嘗存也況夫魏魏大晉方將登太山禪梁父刻石書勲垂示無窮宜遠鑒往代興廢深為嚴防使著事舊筆必有紀焉昔伊尹恥其君不為堯舜此臣所以私懷慷慨自忘輕賤者也灼書奏帝覽而異焉擢為明威將軍魏興太守卒于官

閻纘

閻纘

周處傳同作閻纘楊駿傳作閻纂隋經籍志亦作纂書鈔五十七亦引閻纂集四言詩啟鬱鬱唐

書宰相世系表十三下又作讚

字纘伯巴西安漢人也祖圖為張魯功

曹勸魯降魏封平樂鄉侯

唐書宰相世系表十三下曰閻顯孫甫魏武帝封為平樂

鄉侯案甫爲圖之諱文勞格校勘記曰魏公卿上尊號
奏有建節將軍平樂亭侯臣園卽閭園也但此作鄉侯
疑黃初中所進封也魏志張魯傳曰封魯五子及閭園
等皆爲列侯注魏略曰黃初中增園爵邑在禮請中後
十餘歲父璞嗣爵仕吳至牂柯太守勞格校勘記曰案
病死
吳字疑衍案唐書宰相世系表十續僑居河南新安少
三下但云牂柯太守璞無吳字

游英豪多所交結博覽墳典該通物理父卒繼母不慈

續恭事彌謹而母疾之愈甚乃誣續盜父時金寶訟于

有司遂被清議十餘年續無怨色孝謹不怠母後意解

更移中正乃得復品爲太傅楊駿舍人轉安復令駿之

誅也續棄官歸

書鈔六十九千寶晉紀日駿誅乃解職

要駿故主簿潘岳

掾崔基等共葬之基岳畏罪推續爲主墓成當葬駿從

弟模告武陵王澹將表殺造意者讀史舉正曰駿傳誅親黨夷三族安得有

從弟在且人葬其兄而告之亦非人情駿為賈后所害則模者乃后族兄賈模耳又澹時為東武公亦未封王

督記曰諸楊不聞有楊模史稱賈模眾咸懼填冢而逃豫誅楊駿封侯則其為賈模明矣

續獨以家財成墓葬駿而去楊駿傳曰惟太傅舍人巴西閭纂殯斂之書鈔六十

九千寶晉紀日上表求國子祭酒鄒湛以續才堪佐著改葬駿中朝特聽之

晉書校文三曰通典六十一引薦於祕書監華嶠嶠曰此纂集作可佐著作此奪一字

職閑廩重貴勢多爭之不服求其才遂不能用何閒王

顒引為西戎校尉司馬有功封平樂鄉侯愍懷太子之

廢也續輿棺詣闕上書理太子之冤曰伏見赦文及賜

下前太子適手疏以為驚愕自古以來臣子悖逆未有

如此之甚也幸賴天慈全其首領臣伏念遙生於聖父
而至此者由於長養深宮沈淪富貴受饒先帝父母驕
之每見選師傅下至羣吏率取膏粱擊鍾鼎食之家希
有寒門儒素如衛綰周文石奮疎廣洗馬舍人亦無汲
黯鄭莊之比遂使不見事父事君之道臣案古典太子
居以士禮與國人齒以此明先王欲令知先賤然後乃
貴自頃東宮亦微太盛所以致敗也非但東宮厯觀諸
王師友文學皆豪族力能得者率非龔遂王陽能以道
訓友無亮直三益之節官以文學爲名實不讀書但共
鮮衣好馬縱酒高會嬉遊博弈豈有切磋能相長益臣

常恐公族遲陵以此歎息今適可以爲戒恐其被斥棄
逐遠郊始當悔過無所復及昔戾太子無狀稱兵距命
而壺關三老上書有田千秋之言猶曰子弄父兵罪應
笞耳漢武感悟之築思子之臺今適無狀言語悖逆受
罪之日不敢失道猶爲輕於戾太子尙可禁持重選保
傅如司空張華道德深遠乃心忠誠以爲之師光祿大
夫劉實周家祿校勘記寒苦自立終始不衰年同呂望
經籍不廢以爲之保尙書僕射裴頠明允恭肅體道居
正以爲之友置游談文學皆選寒門孤宦以學行自立
者及取服勤更事涉履艱難事君事親名行素聞者使

與共處使殿御史監護其家絕貴戚子弟輕薄賓客如此左右前後莫非正人師傅文學可令十日一講使共論議於前勅使但道古今孝子慈親忠臣事君及思愆改過之義皆聞善道庶幾可全昔太甲有罪放之三年思庸克復爲殷明王又魏文帝懼於見廢夙夜自祇竟能自全及至明帝因母得罪廢爲平原侯爲置家臣庶子師友文學皆取正人共相匡矯兢兢慎罰事父以孝父沒事母以謹聞于天下于今稱之漢高皇帝數置酒於庭欲廢太子後四皓爲師子房爲傅竟復成就前事不忘後事之戒孟軻有云孤臣孽子其操心也危慮患

也深故多善功李斯云慈母多敗子嚴家無格虜由陛下驕適使至於此庶其受罪以來足自思改方今天下多虞四夷未寧將伺國隙儲副大事不宜空虛宜爲大計小復停留先加嚴誨依平原侯故事若不悛改棄之未晚也臣素寒門無力仕宦不經東宮情不私適念昔楚國處女諫其王曰有龍無尾言年四十未有太子臣嘗備近職雖未得自結天日情同閹寺慙慙之誠皆爲國計臣老母見臣爲表乃爲臣卜卦云書御卽死妻子守臣涕泣見止臣獨以爲頻見拔擢嘗爲近職此恩難忘何以報德唯當陳誠以死獻忠輒具棺絮伏須刑誅

書御不省及張華遇害賈謐被誅朝野震悚續獨撫華尸慟哭曰早語君遜位而不肯今果不免命也夫過此賈謐尸曰小兒亂國之由誅其晚矣皇太孫立續復上疏曰臣前上書訟太子之枉不見省覽昔壺關三老陳衛太子之冤而漢武築思子之臺高廟令田千秋上書不敢正言託以鬼神之教而孝武大感月中三遷位至丞相乘車入殿號曰車氏恨臣精誠微薄不能有感竟使太子流離沒命許昌向令陛下卽納臣言不致此禍天贊聖意三公獻謀庶人賜死罪人斯得太子以明臣恨其晚無所復及詔書慈悼迎喪反葬復其禮秩誠副

眾望不意呂霍之變復生於今日伏見詔書建立太孫
斯誠陛下上順先典以安社稷中慰慈悼冤魂之痛下
令萬國心有所繫追惟庶人所爲無狀幾傾宗廟賴相
國太宰至忠憤發潛謀俱斷奉贊聖意以成神武雖周
誅二叔漢掃諸呂未足以喻臣願陛下因此大更釐改
以爲永制禮置太子居以士禮與國人齒爲置官屬皆
如朋友不爲純臣旣使上厭至望以崇孝道又令不相
嚴憚易相規正昔漢武旣信姦讒危害太子復用望氣
之言欲盡誅詔獄中囚郗吉

案漢書列傳丙吉不作郗
惟魏志郗原元和姓纂亦

作丙原知郗丙通用丙之得姓
由於邑名蓋古人本作郗也

以皇孫在焉閉門距命

後遂擁護皇孫督罰乳母卒至成人立爲孝宣皇帝苟
忘於忠無往不可厯觀古人雖不避死亦由世教寬以
成節吉雖距詔書事在於忠故宥而不責自晉興已來
用法太嚴遲速之間輒加誅斬一身伏法猶可彊爲今
世之誅動輒滅門昔呂后臨朝肆意無道周昌相趙三
召其王而昌不遣先徵昌入乃後召王此由漢制本寬
得使爲快假令如今呂后必謂昌已反夷其三族則誰
敢復爲殺身成義者哉此法宜改可使經遠又漢初廢
趙王張敖其臣貫高謀弑高祖高祖不誅以明臣道田
叔孟舒十人爲奴髡鉗隨王隱親侍養故令平安向使

晉法得容爲義東宮之臣得如周昌固護太子得如邴吉距詔不坐伏死諫爭則聖意必變太子以安如田叔孟舒侍從不罪者則隱親左右姦凶毒藥無緣得設太子不夭也臣每責東宮臣故無侍從者後聞頗有於道路望車拜辭而有司收付洛陽獄奏科其罪然臣故莫從良有以也

周家祿校勘記曰
句首當作然則

又本置三率盛其兵馬

所以宿衛防虞而使者卒至莫有警嚴覆請審者此由
恐畏滅族今皇孫沖幼去事多故若有不虞彊臣專制
姦邪矯詐雖有相國保訓東宮擁佑之恩同於邴吉適
可使玉體安全宜開來防可著于令自今已後諸有廢

興倉卒羣臣皆得輒嚴須錄詣殿前面受口詔然後爲信得同周昌不遣王節下聽臣子隱親得如田叔孟舒不加罪責則永固儲副以後安嗣之遠慮也來事難知往事可改臣前每見詹事裴權用心懇惻舍人秦戢數上疏啟諫而爰倩贈以九列權有忠意獨不蒙賞謂宜依倩爲比以寵其魂推尋表疏如秦戢輩及司隸所奏諸敢拜辭於道路者明詔稱揚使微異於衆以勸爲善以獎將來也續又陳今相國雖已保傳東宮保其安危至於旦夕訓誨輔導出入動靜劬勞宜選寒苦之士忠貞清正老而不衰如城門校尉梁柳白衣南安朱冲比

者以爲師傅其侍臣以下文武將吏且勿復取盛威豪
門子弟若吳太妃家室及賈郭之黨如此之輩生而富
溢無念修己率多輕薄浮華相驅放縱皆非所補益於
吾少主者也皆可擇寒門篤行學問素士更履險易節
義足稱者以備羣臣可輕其禮儀使與古同於相切磋
爲益昔魏文帝之在東宮徐幹劉楨爲友文學相接之
道並如氣類吳太子登顧譚爲友諸葛恪爲賓卧同牀
帳行則參乘交如布衣相呼以字此則近代之明比也
天子之子不患不富貴不患人不敬畏患於驕盈不聞
其過不知稼穡之艱難耳至於甚者乃不知名六畜可

不勉哉昔周公親撻伯禽曹參笞宦二百聖考慈父皆
不傷恩今不忍小相維持令至闕失頓相罪責不亦誤
哉在禮太子朝夕視膳昏定晨省跪問安否於情得盡
五日一朝於敬旣簡於恩亦疎易致構閒故曰一朝不
朝其閒容刀五日之制起漢高祖身爲天子父爲庶人
萬機事多故闕私敬耳今主上臨朝太子無事專主孝
養宜改此俗文王世子篇曰王季一飯亦一飯再飯亦
再飯安有逸豫五日一覲哉續又陳今迎太子神柩孤
魂獨行太孫幼沖不可涉道謂可遣妃奉迎遠路令其
父衍隨行衛護皇太子初見誣陷臣家門無祐三世假

親具嘗辛苦以家觀國固知太子有變臣故求副監國
欲依邴吉故事距違來使供養擁護身親飲食醫藥冀
足救危主者以臣名資輕淺不肯見與世人見笑謂爲
此職進退難居有必死憂臣獨以爲苟全儲君賈氏所
誅甘心所願今監國御史直副皆當三族侍衛無狀實
自宜然臣謂其小人不足具責故孔子曰可以託六尺
之孤臨大節而不可奪是以聖王慎選故河南尹向雄
昔能犯難葬故將鍾會文帝嘉之始拔顯用至於先帝
以爲右率如閒之事若得向雄之比則豈可觸哉此二
使者但爲愚怯亦非與謀但可誅身自全三族如郭俶

郭斌則於刑爲當又東宮亦宜妙選忠直亮正如向雄
比陛下千秋萬歲之後太孫幼冲選置兵衛宜得柱石
之士如周昌者世俗淺薄士無廉節賈謐小兒恃寵恣
睢而淺中弱植之徒更相翕習故世號魯公二十四友
又謐前見臣表理太子曰閭兒作此爲健然觀其意欲
與諸司馬家同皆爲臣寒心伏見詔書稱明滿奮樂廣
侍郎賈盾與謐親理而亦疏遠往免父喪之後停家五
年雖爲小屈有識貴之潘岳繆徽等繆徽當從賈充傳作繆徵皆謐
父黨共相沈浮人士羞之聞其晏然莫不爲怪今詔書
暴揚其罪並皆遣出百姓咸云清當臣獨謂非但岳徽

二十四人宜皆齊黜以肅風教朝廷善其忠烈擢爲漢

中太守

唐書宰相世系表云晉殿中將軍漢中太守續案傳失載殿中將軍隋經籍志云梁有隴西太

守閭纂集二卷錄一卷案隴西當爲漢中之誤

趙王倫死既葬續以車轅其冢

時張華兄子景後徙漢中續又表宜還續不護細行而

慷慨好大節

書鈔六十九千寶晉紀曰閭續伯爲人鯁直不憚強禦案續伯誤作續伯御覽二百

四十九引無伯字不憚作不畏卒於官時年五十九續五子皆開朗有

才力長子亨爲遼西太守屬王浚自用其人亨不得之

官依青州刺史苟晞刑政苛虐亨數切諫爲晞所害

史臣曰愍懷之廢也天下稱其冤然皆懼亂政之參夷

懾淫嬖之凶忍遂使謀臣懷忠而結舌義士蓄憤而吞

聲聞續伯官既微於侍郎位不登於執戟輕生重義視
死如歸伏奏而待嚴誅與棺以趨鼎鑊察言觀行豈非
忠直壯乎顧視晉朝公卿曾不得與其徒隸齒也茂伯
篤終哭王經以全節休然追遠理鄧艾以成名故得義
感明時仁流枯骨雖朱勃追論新息樂布奏事彭王弗
之尙也

贊曰感義收會篤終理艾道既相伴名亦俱泰續伯區
區與觀陳蕃偈茲淫嬖弗遂良圖吸其泣矣何嗟歟乎

晉書料注卷四十八

晉書斟注卷四十九

錢塘吳士鑑

烏程劉承幹

同注

列傳第十九

阮籍

兄子咸
從子脩

族弟放

瞻弟孚
放弟裕

阮籍字嗣宗陳留尉氏人也父瑀魏丞相掾知名於世

魏志王粲傳曰阮瑀字元瑜注文士傳曰太祖雅間瑀

名辟之不應運見偏促乃逃入山中太祖使人焚山得

瑀送至召入太祖時征長安大延賓客怒瑀不與語使

就伎人列瑀善解音能鼓琴遂撫絃而歌因造歌曲為

曲既捷音聲殊妙當籍容貌瓌傑志氣宏放御覽六百

時冠坐太祖大悅異籍容貌瓌傑志氣宏放二魏氏春

秋日阮籍幼有奇才異傲然獨得任性不羈世說德行

質入歲能屬文性恬靜

氏春秋作宏達不羈任誕篇注干寶晉紀曰何曾嘗謂
阮籍曰卿恣情任性敗俗之人也今忠賢執政綜核名
實若卿之徒何可長也復言之於太祖籍飲傲不輟故
魏晉之間有被髮夷倣之事背死忘生之人反謂行禮
者籍為之也而喜怒不形於色或閉戶視書累月不出或登

臨山水經日忘歸

御覽六百十一引七賢傳作或經行丘林經日不返

博覽羣籍

尤好莊老

世說文學篇注晉諸公贊曰阮籍著道德論御覽一引籍老子贊

嗜酒能嘯

御覽六百二魏氏春秋日兀然長嘯以此終日

善彈琴當其得意忽忘形骸時

人多謂之癡惟族兄文業每歎服之以為勝己

世說賞譽篇上

日王戎目阮文業清倫有鑒識漢元以來未有此人住杜篤新書曰阮武字文業陳留尉氏人父謚侍中武濶達博通淵雅之士陳留志曰武魏末清河太守族子籍年總角末知名武見而偉之以為勝己知人多此類著書十八篇由是咸共稱異籍嘗隨叔父至東郡兗州刺謂之阮子

史王昶請與相見終日不關一言自以不能測作不關一

世說德行篇注魏氏春秋曰終日不得與言昶愧歎之

自以不能測也口不論事自然高邁御覽五百十二載

榮緒晉書曰王昶間籍奇偉請太尉蔣濟聞其有雋才

與相見乃歎息以不能測也

而辟之文選詠懷詩注臧榮緒晉書曰蔣濟辟為掾唐

宗重其文學之譽籍詣都亭奏記曰伏惟明公以含一

案將即蔣之借字

之德據上台之位英豪翹首俊賢抗足開府之日人人

自以為掾屬辟書始下而下走為首昔子夏在於西河

之上而文侯擁篲鄒子處於黍谷之陰而昭王陪乘夫

布衣韋帶之士孤居特立王公大人所以禮下之者為

道存也今籍無鄒卜之道而有其陋猥見採擇無以稱

當方將耕於東臯之陽輸黍稷之餘稅負薪疲病足力
不彊補吏之召非所克堪乞迴謬恩以光清舉初濟恐
籍不至得記欣然遣卒迎之而籍已去濟大怒於是鄉
親共喻之乃就吏後謝病歸復爲尙書郎少時又以病
免及曹爽輔政召爲參軍籍因以疾辭屏於田里水經
注曰穀水又東南轉屈而東注歲餘而爽誅時人服其
謂之阮曲云阮嗣宗之故居也遠識宣帝爲太傅命籍爲從事中郎及帝崩復爲景帝
大司馬從事中郎高貴鄉公卽位封關內侯徙散騎常
侍書鈔五十八類聚四十八竹林七賢傳籍本有濟世
日高貴鄉公以爲散騎常侍非其好也志屬魏晉之際天下多故名士少有全者籍由是不與

世事遂酣飲為常世說任誕篇注文士傳曰籍放誕有

與戲談任其所欲不迫以職事御覽七十三語林曰陳

協數日輒進阮步兵酒一壺後晉文王修九龍堰阮舉

水銅龍六枚堰遂成也承文帝初欲為武帝求婚於籍

籍醉六十日不得言而止鍾會數以時事問之欲因其

可否而致之罪皆以酣醉獲免及文帝輔政籍嘗從容

言於帝曰籍平生曾游東平樂其風土帝大悅世說簡

晉文王功德甚大坐席嚴敬擬於王即拜東平相籍乘

者唯阮籍在坐箕踞歌酣放自若引晉使內外相望法

驢到郡壞府舍屏鄣御覽九百一引晉使內外相望法

令清簡旬日而還文選五君詠注臧榮緒晉書曰不以

文士傳曰然後教令清寧十餘日便復騎驢去御覽四

百九十八引文士傳作教令清當又九百一引晉陽秋

清簡作教令

帝引爲大將軍從事中郎有司言有子殺母者

籍曰嘻殺父乃可至殺母乎坐者怪其失言帝曰殺父

天下之極惡而以爲可乎籍曰禽獸知母而不知父殺

父禽獸之類也殺母禽獸之不若焮乃悅服

文選晉紀總論注王

隱晉書曰貴遊子弟多祖述於阮籍同禽獸爲通

籍聞步兵廚營人善釀有貯

酒三百斛乃求爲步兵校尉

世說在誕篇三百作數百注引文士傳作聞步兵廚

中有酒三百石忻然求爲校尉於是入府舍與劉伶酣飲竹林七賢論又云籍與伶共飲步兵廚中並醉而死

此好事者爲之言籍景元中卒而劉伶太始中猶在

遺落世事雖去佐職恆游府

內朝宴必與焉會帝讓九錫公卿將勸進使籍爲其辭

籍沈醉忘作臨詣府使取之見籍方據案醉眠使者以

告籍便書案使寫之無所改竄辭甚清壯為時所重御覽

七百十戴勝竹林七賢論曰魏朝封文王固讓公卿皆

當喻旨司空鄭沖等馳使從阮籍求其文立待之籍時

在袁孝尼家宿扶而起書几板為文無所治定乃寫付

信世說文至轉說徐而攝之也一本注阮籍勸進落落

有宏致至轉說徐而攝之也一本注阮籍勸進落落

竊聞明公固讓沖等眷實懷愚心以為聖王作制百

代之勢光宅曲阜奄有龜蒙明公宜奉聖旨受茲介福也

籍雖不拘禮教然發言玄遠口不臧否人物世說德行

氏春秋日上曰天下之至慎者其惟阮嗣宗乎每與之

言言及玄遠而未嘗評論時事臧否人物可謂至慎乎

緒晉書不拘上有放誕二字臧否上有評論二字性

至孝母終正與人圍碁對者求止籍留與決賭既而飲

酒二斗世說任誕篇注引鄧粲晉紀作籍母將死與人

圍碁未決御覽七百四十三引鄧粲晉紀作飲

酒三舉聲一號吐血數升世說任誕篇注引鄧粲晉紀此句下有廢頓久之語

及將葬食一蒸肫飲二斗酒然後臨訣直言窮矣舉聲

一號因又吐血數升毀瘠骨立殆致滅性世說任誕篇注魏氏春秋

日籍性至孝居喪雖不率常禮而毀幾滅性然為文俗之士何曾等深所讐疾大將軍司馬昭愛其通偉而不

加害裴楷往弔之籍散髮箕踞醉而直視楷弔嘔畢便

去世說任誕篇作阮方醉散髮坐牀箕踞不哭文選晉紀總論注于寶晉紀曰阮籍宏逸曠達居喪不帥常

檢世說任誕篇注名士傳曰阮籍喪親不率常禮裴楷

往弔之遇籍方醉散髮箕踞旁若無人楷哭泣盡哀而

退了無異色其安同異如此戴逵論之曰若裴公之制

弔欲冥外以護內有達意也有弘防也御覽四百九十

入王隱晉書曰魏末阮籍有才而嗜酒荒放露頭散髮

祿袒箕踞作二千石不治官事日與伶等共飲酒歌呼

時人以籍在魏晉之交欲伴狂避時不知籍本性自然

也又五百六十一裴楷別傳曰陳留阮籍遭母喪楷弱

冠往弔籍乃離喪位神志晏然至乃縱情嘯詠傍若無人楷不爲改容行止自若遂便率情獨哭哭畢而退威容舉動或問楷凡弔者主哭客乃爲禮籍既不哭君何無異

爲哭楷曰阮籍既方外之士故不崇禮典我俗中之士

故以軌儀自居時人歎爲兩得

世說任誕篇作時人歎爲兩得其中籍又

能爲青白眼見禮俗之士以白眼對之

世說簡傲篇注引晉百官名禮

俗作凡俗

及嵇喜來弔籍作白眼喜不懌而退喜弟康聞之

乃齋酒挾琴造焉籍大悅乃見青眼由是禮法之士疾

之若讐而帝每保護之籍嫂嘗歸寧籍相見與別或譏

之籍曰禮豈爲我設邪

世說任誕篇我下有輩字

鄰家少婦有美色

當壚沽酒籍嘗詣飲醉便卧其側籍既不自嫌其夫察

之亦不疑也

世說任誕篇曰阮與王安豐嘗從婦飲酒阮醉便眠其婦側夫始殊疑之伺察終無

他意兵家女有才色未嫁而死籍不識其父兄徑往哭之

盡哀而還其外坦蕩而內痛至皆此類也

世說任誕篇注王隱晉書

日籍鄰家處子有才色未嫁而卒籍與無親時率意獨

生不相識盡哀而去其達而無檢皆此類也

駕御覽一百九十五引漢不由徑路車迹所窮輒慟哭

而反御覽一百九十五引漢晉春秋而反作而走

嘗登廣武觀楚漢戰處嘆

日時無英雄使豎子成名登武牢山望京邑而嘆於是

賦豪傑詩景元四年冬卒

寰宇記一日阮籍墓在尉氏縣東四十里廿二史攷異二

十一日嵇阮歿于魏世又非佐晉勦業如魏

時年五十

荀彧未劉穆之之比系之晉史義例安在

文選五君詠注臧榮緒晉書曰善屬文論初不苦也率爾便成

四籍能屬文初不留思

作詠懷詩八十餘篇爲世所重著達莊論敘無爲之貴
文多不錄籍嘗於蘇門山遇孫登與商略終古及栖神
導氣之術登皆不應籍因長嘯而退至半嶺間有聲若
鸞鳳之音響乎巖谷乃登之嘯也世說棲逸篇曰阮步
山中忽有真人樵伐者咸共傳說阮籍往觀見其人擁
剝巖側籍登嶺就之箕踞相對籍商略終古上陳黃農
玄寂之道下考三代盛德之美以問之屹然不應復敘
有爲之教棲神導氣之術以觀之彼猶如前疑囑不轉
籍因對之長嘯良久乃笑曰可更作籍復嘯意盡退還
半嶺許聞上嘯然有聲如數部鼓吹林谷傳響顧看迺
向人嘯也注魏氏春秋曰嘗遊蘇門山有隱者莫知姓
名有竹實數斛杵曰而已籍聞而從之談太古無爲之
道論五帝三王之義蘇門先生生倏然會不眄之籍以膠
然長嘯韻響寥亮蘇門先生乃道爾而笑籍既降先生
喟然高嘯有如鳳音籍素知音乃假蘇門先生之論以
寄所懷其歌曰日沒不周西月出丹淵中陽精晦不見

陰光代爲雄亭亭在須臾厭厭將復隆富貴俛仰間貧賤何必終寰宇記五十六日蘇門山在衛縣西八十一里一日蘇嶺遂歸著大人先生傳其略曰世之所謂君俗名五巖山子惟法是修惟禮是克手執圭璧足履繩墨行欲爲目前檢言欲爲無窮則少稱鄉黨長聞鄰國上欲圖三公下不失九州牧獨不見羣蝨之處禪中逃乎深縫匿乎壞絮自以爲吉宅也行不敢離縫際動不敢出禪褶自以爲得繩墨也然炎火流焦邑滅都羣蝨處於禪中而不能出也君子之處域內何異夫蝨之處禪中乎此亦籍之曾懷本趣也

世說棲逸篇注竹林七賢論曰所言皆胸懷閒本趣大意謂先生與

己不異也觀其長嘯相和亦近乎目擊道存矣

子渾字長成有父風少慕通達

不飾小節

世說賞譽篇下曰籍子渾器量弘曠注世語曰渾清虛寡欲

籍謂曰仲容

已豫吾此流汝不得復爾

世說在誕篇注竹林七賢論曰籍之抑渾蓋以渾未識己

之所以太康中為太子庶子

釋文序錄阮渾有易義隋經籍志作馮翊太守阮渾

周易論二卷案渾蓋初為庶子後終於太守

咸字仲容父熙武都太守咸任達不拘

御覽七引晉書作阮咸性曠達

不拘杼簪謂世說賞譽篇上注名士傳曰在達不拘當世皆怪其所為及與之處少嗜欲哀樂至到魏殖過絕於人然後皆忘其向議與叔父籍為竹林之游當世禮法者譏其

所為咸與籍居道南諸阮居道北北阮富而南阮貧七

月七日北阮盛曬衣服皆錦綺粲目咸以竿挂大布犢

鼻於庭

世說在誕篇作皆紗羅錦綺仲容以竿挂大布犢鼻犢鼻陣於中庭御覽三十一竹林七賢論曰諸

阮俱世儒學善居室內足於財唯咸一巷尙道業好酒而貧舊俗七月七日法當曝衣諸阮庭中爛然莫非錦咸時總角乃豎長竿標大布人或怪之荅曰未能免積鼻輒於庭繕彌一傾瓶

俗聊復爾耳歷仕散騎侍郎山濤舉咸典選曰阮咸貞

素寡欲深識清濁萬物不能移若在官人之職必絕於

時武帝以咸耽酒浮虛遂不用文選五君詠注曹嘉之

部郎三上世說賞譽篇上注山濤啟事曰吏部郎主選舉宜得能整風俗理人倫者史曜出處缺散騎常侍阮

咸真素寡欲深識清濁萬物不能移也若在官人之職必妙絕於時又引竹林七賢論曰山濤之舉阮咸固知

上不能用意蓋惜曠世之雋莫識其意故耳夫以咸之所犯方外之意稱其清真寡欲則述外之意自見耳通典

二十三日帝以咸耽酒浮虛遂用陸亮案書鈔六十引千寶晉紀作山濤選舉阮咸宣子爲吏部郎誤以宣子

爲咸太原郭奕高爽有識量知名於時少所推先見咸字

心醉不覺歎焉

世說賞譽篇注引名士傳歎焉作歎服

而居母喪縱情越

禮素幸姑之婢姑當歸于夫家

世說在誕篇作阮仲容先幸姑家鮮卑婢及居

母喪姑當遠移

初云留婢既而自從去時方有客咸聞之遽借

客馬追婢既及與婢累騎而還論者甚非之

世說在誕篇作仲容

借客驢著重服自造之累騎而返曰人種不可失即遙

集之母也注竹林七賢論曰咸既追婢於是世議紛然

自魏末沈淪閭巷逮咸妙解音律善彈琵琶

太平廣記

史纂異曰元行沖賓客為太常少卿時有人於古墓中

得銅物似琵琶而身正圓莫有識者元觀之曰此阮咸

所造樂也令匠人改以木為聲清雅今呼為阮咸是也

廬氏雜說曰晉書稱阮咸善彈琵琶後有發咸墓者得

琵琶以瓦為之時人不識以

為於咸墓中所得因名阮咸雖處世不交人事惟共親

知絃歌酣宴而已與從子修特相善

周家祿校勘記曰修當照本傳作脩

每以得意為歡諸阮皆飲酒咸至宗人間共集不復用

杯觴斟酌以大盆盛酒圓坐相向世說任誕篇盆大酌作觴圓作圍

更飲時有羣豕來飲其酒咸直接去其上便共飲之羣

從昆弟莫不以放達為行籍弗之許荀勗每與咸論音

律自以為遠不及也疾之出補始平太守樂志上作出咸為始平相

文選五君詠注引晉諸公贊云中以壽終二子瞻字御覽

護軍長史阮咸案本傳失載此官入百五十竹林七賢論曰阮咸兄子簡亦曠達自居居

大喪行遇大雪寒凍遂詣浚儀令為他賓設黍臠簡

又食之以致清議廢頓三十年案咸

兄之名不可攷簡蓋亦熙之孫也

瞻字千里性清虛寡欲自得於懷世說賞譽篇下日瞻虛夷有遠志住名士

傳曰瞻夷在而少嗜欲讀書不甚研求而默識其要遇

不修名行自得於懷

理而辯辭不足而旨有餘善彈琴人聞其能多往求聽
不問貴賤長幼皆爲彈之神氣沖和而不知向人所在
內兄潘岳每令鼓琴終日達夜無忤色由是識者歎其
恬澹不可榮辱矣舉止灼然

晉宋書故云止字衍詳鄧攸傳注

見司徒

王戎戎問曰聖人貴名教老莊明自然其旨同異瞻曰

將無同

王若虛滹南集謬誤雜辨曰瞻以將無同答之瞻意蓋言同耳晉人例重玄學故戎深喜而世

多疑之夫將無云者猶無乃得無之類庾亮令褚裒認孟嘉于衆中裒指嘉曰此君小異將無是乎苟諦從母子求爲將諦拒之曰吾不以王法貸人將無後悔耶劉裕受禪徐廣琴晉帝車泣涕謝晦謂之曰徐君將無小過皆是類也世說載褚裒語正作得無戎吞嗟良久卽通鑑載謝晦語亦然以此可知其爲同戎吞嗟良久卽命辟之時人謂之三語掾

類聚十九書鈔六十八衛玠別傳曰世號三語掾王君因

嘲之曰一言可辟何假於三阮曰苟是天下民望亦可
無言而辟何復假於一言也案世說文學篇以三語掾
為阮宣子與本傳大異何復假於太尉王衍亦雅重之
一言也下有遂相與為友一語

瞻嘗羣行冒熱渴甚逆旅有井眾人競趨之瞻獨逡巡
在後須飲者畢乃進其夷退無競如此東海王越鎮許

昌以瞻為記室參軍與王承謝鯤鄧攸俱在越府越與

瞻等書曰世說賞譽篇下注引趙吳郡行狀禮年八歲

出就外傳明始可以加師訓之則十年曰幼學明可漸

先王之教也然學之所入淺體之所安深是以閑習禮

容不如式瞻儀度諷誦遺言不若親承音旨世說賞譽篇下禮容

作禮度儀度作儀形注引趙吳郡行狀又小兒毗既無

作軌儀諷誦均作諷味音旨行狀作辭旨

令淑之質不聞道德之風望諸君時以閑豫周旋蒔接

世說賞譽篇下注引趙永嘉中為太子舍人瞻素執無

吳郡行狀蒔接作燕蒔鬼論御覽六百十七引物莫能難每自謂此理足可以

辯正幽明忽有一客通名詣瞻寒溫畢聊談名理御覽六百

十七引幽明錄聊作即客甚有才辯瞻與之言良久及鬼神之事

反覆甚苦客遂屈乃作色曰鬼神古今聖賢所共傳君

何得獨言無即僕便是鬼於是變為異形須臾消滅瞻

默然意色大惡後歲餘病卒於倉垣御覽五百九十五

幽明錄曰俄而鬼見而時年三十

字字遙集聖賢羣輔錄下曰一云阮入百即瞻弟字字

故云入百案瞻字千其母即胡婢也世說任誕篇注阮孚別傳曰咸與姑

里故以其弟為入百書曰胡婢孚之初生其姑取王延壽魯靈光殿賦曰胡

遂生胡見人遙集於上楹而以字焉初辟太傅府遷騎兵屬避亂

渡江元帝以為安東參軍蓬髮飲酒不以王務嬰心世說

雅量篇注引晉陽秋曰孚少有智調而無雋異又賞譽

篇下曰孚爽朗多所遺注引中興書曰孚風韻疏誕少

有門風世說時帝既用申韓以救世而孚之徒未能棄

也雖然不以事任處之轉丞相從事中郎終日酣縱書

六十八引晉中興書陳恆為有司所按帝每優容之琅

留阮錄作終日酣醉一作邪王哀為車騎將軍鎮廣陵高選綱佐以孚為長

史帝謂曰卿既統軍府書鈔六十八晉中興書曰郊壘

中宗詔曰卿記綜軍府

多事宜節飲也孚答曰陛下不以臣不才委之以戎旅之重臣僣勉從事不敢有言者竊以今王莅鎮威風赫然皇澤遐被賊寇斂迹氛祲既澄日月自朗臣亦何可燭火不息正應端拱嘯詠以樂當年耳遷黃門侍郎散騎常侍嘗以金貂換酒復爲所司彈劾帝宥之轉太子中庶子左衛率領屯騎校尉明帝卽位遷侍中從平王敦賜爵南安縣侯轉吏部尙書

御覽五百六十八俗說曰朱禪是石崇伎綠珠

弟子有國色善吹笛後在晉明帝聞帝疾患危篤羣臣進諫請出朱禪時朝賢悉見帝曰卿諸人誰欲得之者衆人無言阮遙集時爲吏部尙書對曰願以賜臣卽與之領東海王師稱疾不拜詔

就家用之尙書令郝鑒以爲非禮帝曰就用之誠不快

不爾便廢才

書鈔六十引臧榮緒晉書非禮作非體就

推之耳

及帝疾大漸溫嶠入受顧命過孚要與同行升

車乃告之曰主上遂大漸江左危弱實資羣賢共康世

務卿時望所歸今欲屈卿同受顧託孚不答固求下車

嶠不許垂至臺門告嶠內追求暫下便徒步還家初祖

約性好財孚性好屐

世說雅量篇此句下有並恒自經營一語

同是累而未

判其得失有詣約見正料財物客至屏當不盡餘兩小

簾以著背後傾身障之意未能平或有詣阮正見自蠟

屐

世說雅量篇作見自吹火蠟屐

因自嘆曰未知一生當著幾量屐神

色甚閑暢於是勝負始分咸和初拜丹楊尹時太后臨

朝政出舅族孚謂所親曰今江東雖累世而年數實淺
主幼時艱運終百六而庾亮年少德信未孚以吾觀之
將兆亂矣會廣州刺史劉顗卒遂苦求出王導等以孚
疏放非京尹才乃除都督交廣益三州軍事鎮南將軍
領平越中郎將廣州刺史假節未至鎮卒年四十九尋
而蘇峻作逆識者以爲知幾無子從孫廣嗣

脩字宣子好易老善清言

世說文學篇注名士傳曰好老易能言理嘗有論

鬼神有無者皆以人死者有鬼脩獨以爲無曰今見鬼
者云著生時衣服若人死有鬼衣服有鬼邪論者服焉
後遂伐社樹或止之脩曰若社而爲樹伐樹則社移樹

而爲社伐樹則社亡矣性簡任不脩人事

世說文學篇注名士傳曰

傲然絕不喜見俗人遇便舍去

世說文學篇注引名士傳作誤相逢卽舍去

意有所思率爾褰裳不避晨夕至或無言但欣然相對

常步行以百錢挂杖頭至酒店便獨酣暢雖當世富貴

而不肯顧

世說任誕篇作雖當世貴盛不肯詣也

家無儋石之儲宴如也

與兄弟同志常自得於林阜之間王衍當時談宗自以

論易略盡然有所未了研之終莫悟每云不知比沒當

見能通之者不衍族子敦謂衍曰阮宣子可與言衍曰

吾亦聞之但未知其亹亹之處定何如耳及與脩談言

寡而旨暢衍乃歎服焉梁國張偉志趣不常自隱於屠

鈞脩愛其才美而知其不真偉後爲黃門郎陳留內史

果以世事受累脩居貧年四十餘未有室王敦等斂錢

爲婚皆名士也

御覽七百五十八妬記曰武歷陽女嫁阮宣子無道妬忌禁婢甌覆槃蓋不得

相時慕之者求入錢而不得脩所著述甚寡

隋志梁有太子洗馬

阮修集二卷錄一卷亡唐志仍著錄

嘗作大鵬贊曰蒼蒼大鵬

御覽九百二十七引

作踰踰

誕自北溟假精靈鱗神化以生如雲之翼如山之

形海運水擊扶搖上征翕然層舉背負太清志存天地

不屑唐庭

一作雷霆誤

鸞鳩仰笑尺鴟所輕超世高逝莫知

其情王敦時爲鴻臚卿謂脩曰卿常無食鴻臚丞差有

祿能作不脩曰亦復可爾耳遂爲之轉太傅行參軍太

子洗馬避亂南行至西陽期思縣為賊所害時年四十

二

放字思度祖略齊郡太守父顗淮南內史案世說德行篇注阮光祿

別傳曰祖略齊國內史父顗汝南太守與此異放少與孚並知名書鈔六十晉中興書曰阮

放與從弟孚齊名中興除太學博士太子中舍人庶子時雖戎

車屢駕而放侍太子常說老莊不及軍國明帝甚友愛

之轉黃門侍郎遷吏部郎在銓管之任甚有稱績書鈔三十

入類聚四十八引晉中興書作甚有稱譽時成帝幼冲書鈔六十又引晉中興書銓管作銓曹

庾氏執政放求為交州乃除監交州軍事揚威將軍交

州刺史行達寧浦逢陶侃將高寶平梁碩自交州還放

設饌請寶伏兵殺之

案高寶斬梁碩本紀在明帝太寶元年非成帝時事也木傳誤

眾擊放敗走保簡陽城得免

讀史舉正曰案簡陽縣屬寧浦郡地理志不載到

州少時暴發渴見寶為崇遂卒朝廷甚悼惜之年四十

四追贈廷尉放素知名而性清約不營產業

書鈔六十引晉中興

書作性儉約類聚四十九引晉中興書作性清儉

為吏部郎不免饑寒

書鈔六十御覽

二百十六引晉中興書饑寒作饑乏

王導庾亮以其名士常供給衣食

御覽

二百十六引晉中興書作供給衣食放由是得立

子晞之南頓太守

裕字思曠宏達不及放而以德業知名

世說德行篇注阮光祿別傳曰

裕淹通有理識

弱冠辟太宰掾大將軍王敦命為主簿甚被知

遇裕以敦有不臣之心乃終日酣觴以酒廢職

世說賞譽篇下

法中興書曰縱酒昏酣不綜其事周家祿校勘記曰楊誤觴敦謂裕非當世實才徒

有虛譽而已出爲溧陽令復以公事免官由是得違敦

難論者以此貴之咸和初除尙書郎時事故之後公私

弛廢裕遂去職還家居會稽剡縣世說德行篇注阮光祿別傳日以疾築室

會稽剡山司徒王導引爲從事中郎固辭不就朝廷將欲徵

之裕知不得已乃求爲王舒撫軍長史舒薨除吏部郎

不就卽家拜臨海太守少時去職司空郗鑒請爲長史

詔徵祕書監皆以疾辭復除東陽太守尋徵侍中不就

還剡山有肥遯之志世說棲逸篇曰阮光祿在東山蕭然無事常內足於懷有以

問王羲之羲之曰此公近不驚寵辱雖古之沈冥何以

過此揚子法言曰蜀莊沈冥李軌注又云裕骨氣不及

逸少簡秀不如真長韶潤不如仲祖思致不如殷浩而

兼有諸人之美成帝崩裕赴山陵事畢便還諸人相與

追之世說方正篇作阮光祿赴山陵至都不往殷劉許過事便還諸人相與追之裕亦審時

流必當逐己而疾去至方山不相及劉惔歎曰我入東

正當泊安石渚下耳不敢復近思曠傷世說方正篇此句下有伊便能

捉杖打人裕雖不博學論難甚精嘗問謝萬云未見四

本論君試爲言之萬敘說既畢裕以傳嘏爲長於是構

辭數百言精義入微聞者皆嗟味之裕嘗以人不須廣

學正應以禮讓爲先故終日靜默無所脩綜世說品藻篇注引中

興書終日靜默
作終日齷然

而物自宗焉在剡會有好車借無不給

有人葬母意欲借而不敢言後裕聞之乃歎曰吾有車
而使人不敢借何以車爲遂命焚之在東山久之復徵
散騎常侍領國子祭酒俄而復以爲金紫光祿大夫領
琅邪王師經年敦逼並無所就御史中丞周閔奏裕及
謝安違詔累載並應有罪禁錮終身詔書貴之或問裕
曰子屢辭徵聘而宰二郡何邪裕曰雖屢辭王命非敢
爲高也吾少無宦情兼拙於人間旣不能躬耕自活必
有所資故曲躬二郡豈以騁能私計故耳年六十一卒

高似孫刻錄四曰
阮裕墓縣東九里

三子傭宜普傭早卒宜鄱陽太守普

驃騎諮議參軍世說尤悔篇注阮氏譜曰驃字彥倫裕長子也仕至州主簿案驃與傭字形相近致誤御覽七百四十一俗說曰阮光祿大兒喪哀過遂得失心病服除後經年病瘳宋書隱逸傳曰阮萬齡祖思曠父宜黃門侍郎又良吏傳曰阮長之祖思曠父普長之字茂景臨海太守子師門原鄉令案宋書云宜黃門侍郎傭子歆之中領軍宜子腆祕書監腆弟萬齡與本傳異傭子歆之中領軍宜子腆祕書監腆弟萬齡宋書隱逸傳曰萬齡散騎常侍金紫光祿大夫及歆之子彌之元熙中並列顯位

嵇康

嵇康字叔夜譙國銍人也其先姓奚會稽上虞人以避怨徙焉銍有嵇山家于其側因而命氏世說德行篇注王隱晉書曰嵇本姓奚其先避怨徙上虞移譙國銍縣以出自會稽取國一支音同本奚焉魏志王粲傳注虞預晉書曰康家

本姓奚會稽人先自會稽遷於銓縣改為嵇氏取稽字
之上山以為姓蓋以志其本也一日銓有嵇山家於其
側遂氏焉水經淮水注引嵇氏譜作譙有嵇山兄喜有
寰宇記十七日嵇山在臨渙縣西北三十五里
當世才歷太僕宗正魏志王粲傳注嵇氏譜曰康父昭
字公穆晉揚州刺史宗正文選幽憤詩注引嵇氏譜作
兄喜歷徐揚州刺史書鈔六十八嵇憲集曰晉武為撫
軍妙選官屬以憲為功曹又四百五王隱晉書曰嵇喜
為太僕殿驛馬陵知其英俊待以賓友之禮以狀表上
案喜與憲古通用康早孤有奇才遠邁不羣魏志王粲
李憲亦作喜是也康早孤有奇才遠邁不羣傳注嵇喜
為康傳曰家世儒學少有儁才曠邁不羣高亮任信不
修名譽世說德行篇注王隱晉書曰康有奇才儁辯
身長七尺八寸美詞氣有風儀而土木形骸不自藻飾
書鈔五十六臧榮緒晉書曰風姿清秀高爽任真世說
容止篇曰風姿特秀注引康別傳作偉容色土木形骸
不加飾厲正爾在羣形人以為龍章鳳姿天質自然恬
之中自知非常之器

靜寡欲含垢匿瑕寬簡有大量世說德行篇注康別傳

不爭學不師受博覽無不該通文選琴賦注藏榮緒晉

於懷志王粲傳注喜為長好老莊魏志王粲傳注喜為

康傳曰博洽多聞世說德行篇注文章敘錄曰康以

無欲業恬靜與魏宗室婚魏長樂亭主塔遷郎中文選恨賦

住王隱晉書曰嵇康妻魏武帝孫穆王林女也魏志沛

穆王林傳曰子緯嗣注案嵇氏譜嵇康妻林子之女也

案譜與王譜大拜中散大夫游山九吟魏明帝與其文著

異必有一誤詞問左右曰斯人安在吾欲擢之遂起家為傅陽長

案本傳不言為博陽長當在拜中散之前傳從略

脩養性服食之事魏志王粲傳注引嵇喜為康傳彈琴詠

詩自足於懷魏志王粲傳注引嵇喜為康傳作善屬文

七十七語林曰嵇中散夜燈下彈琴忽有一人面甚小

斯須轉大遂長丈餘單衣革帶嵇視之既熟乃吹燈滅

之日恥與以爲神仙稟之自然非積學所得魏志王粲

喜爲康傳所至於導養得理則安期彭祖之倫可及志

王粲傳注引嵇喜爲康傳作至於導養得理以乃著養

盡性命若安期彭祖之倫可以善求而得也

生論魏志王粲傳注嵇喜爲康傳曰著養生論知自厚

遂放世事縱意於塵埃之表文選二十一孫綽嵇中散

傳曰嵇康作養生論入洛京師謂之神人向子期難之

不得又以爲君子無私其論曰夫稱君子者心不措乎

是非而行不違乎道者也何以言之夫氣靜神虛者心

不存於矜尙體亮心達者情不繫於所欲矜尙不存乎

心故能越名教而任自然情不繫於所欲故能審貴賤

而通物情物情順通故大道無違越名任心故是非無

措也是故言君子則以無措爲主以通物爲美言小人則以匿情爲非以違道爲闕何者匿情矜吝小人之至惡虛心無措君子之篤行也是以大道言及吾無身吾又何患無以生爲貴者是賢於貴生也由斯而言夫至人之用心固不存有措矣故曰君子行道忘其爲身斯言是矣君子之行賢也不察於有度而後行也任心無邪不議於善而後正也顯情無措不論於是而後爲也是故傲然忘賢而賢與度會忽然任心而心與善遇儻然無措而事與是俱也其略如此蓋其習懷所寄以高其難期每思郢質所與神交者惟陳留阮籍河內山濤

豫其流者河內向秀沛國劉伶籍兄子咸琅邪王戎遂
爲竹林之游世所謂竹林七賢也戎自言與康居山陽
二十年未嘗見其喜愠之色魏志王粲傳注魏氏春秋
與之游未嘗見其喜愠之色與陳留阮籍河內山濤河
南向秀籍兄子咸琅邪王戎沛人劉伶相與友善游於
竹林號爲七賢文選思舊賦注臧榮緒晉書曰預其流
者向秀劉靈之徒世說德行篇注康別傳曰王濬冲在
襄城面數百未嘗見其疾聲朱顏此亦方中之美範人
倫之勝業也又任誕篇曰七人常集於竹林之下肆意
酣暢故世謂竹林七賢注晉陽秋曰綠生述征記所云白
內至於今誅之木經清水注曰郭緣生述征記所云白
鹿山東南二十五里有嵇公故居以居時有遺竹焉蓋
謂此也類聚六十四述征記曰山陽縣城東北二十里
魏中散大夫嵇康園宅今悉爲丘墟而父老猶謂康嘗
嵇公竹林地以時有遺竹也踰儼戴題之入耐劄識康嘗
採藥游山澤會其得意忽焉忘反時有樵蘇者遇之咸

謂爲神至汲郡山中見孫登康遂從之遊登沈默自守
無所言說康臨去登曰君性烈而才雋其能免乎魏志
傳注魏氏春秋曰初康採藥於汲郡共北山中見隱者
孫登康欲與之言登默然不對踰時將去康曰先生竟
無言乎登乃曰子才多識寡難乎免於今之世晉陽秋
曰康見孫登登對之長嘯踰時不言康辭還曰先生竟
無言乎登曰惜哉世說棲逸篇曰嵇康執弟子禮而師焉魏
晉去就易生嫌疑貴賤並沒故登或默也文士傳曰嘉
平中汲縣民共入山中見一人所居懸巖百仞叢林鬱
茂而神明甚察自云孫姓登名字公和康聞乃從游三
年間其所圖終不答然神謀所存良妙康每藉然歎息
將別謂曰先生竟無言乎登乃曰子識火乎生而有光
而不用其光果然在於用光人生有才而不用其才果
然在於用才故用光在乎得薪所以保其曜用才在乎
識物所以全其年今子才多識寡難乎免於今之世矣
御覽三百九十二竹林七賢論曰阮籍性樂酒善嘯聲
聞百步箕踞嘯歌酣放自若時蘇門山中忽有真人在

焉籍親往尋其人於巖顛遂登嶺從之箕坐相對籍乃
商略終古以問之屹然不應籍因對之長嘯有頃彼乃
斷然歎曰可更作籍又嘯意盡退還半嶺山顛康又遇
噲然有聲若數部鼓吹顧瞻乃向人之嘯也

王烈共入山

書鈔一百六十臧榮緒晉書曰嵇康遇烈
邯鄲人王烈烈自言二百餘歲共入山烈

嘗得石髓如飴卽自服半餘半與康皆凝而爲石又於

石室中見一卷素書遽呼康往取輒不復見

書鈔一百六十引臧

榮緒晉書曰呼吸之間
康叔輒不見繇繇字

烈乃歎曰叔夜志趣非常而輒

不遇命也其神心所感每遇幽逸如此山濤將去選官

舉康自代康乃與濤書告絕

魏志王粲傳注魏氏春秋
曰大將軍嘗欲辟康康既

有絕世之言又從子不善避之河東或云避世及山濤
爲選曹卽舉康自代康答書拒絕因自說不堪流俗而
非薄湯武大將軍聞而怒焉世說棲逸篇注康別傳曰
山巨源舉康康辭之并與山絕豈不識山之不以一官

遇己情耶亦欲標不屈之節以杜舉者之口耳孫志祖
讀書勝錄曰魏志裴注引山濤行狀濤始以景元二年
除吏部郎舉康自代蓋在此時至武帝受禪後濤再爲
吏部史並不云舉康自代何得以後事牽混景元中耶
且山公爲吏部郎中遷散騎常侍是以舉康曰聞足下
自代觀引職機變篇亦非辭官而舉康也

欲以吾自代雖事不行知足下故不知之也恐足下羞
庖人之獨割引尸祝以自助故爲足下陳其可否老子
莊周吾之師也親居賤職柳下惠東方朔達人也安平
卑位吾豈敢短之哉又仲尼兼愛不差執鞭子文無欲
卿相而三爲令尹是乃君子思濟物之意也所謂達能
兼善而不渝窮則自得而無悶以此觀之故知堯舜之
居世許由之巖棲子房之佐漢接輿之行歌其揆一也

仰瞻數君可謂能遂其志者也故君子百行殊塗同致

循性而動各附所安故有處朝廷而不出入山林而不

反之論且延陵高子臧之風長卿慕相如之節意氣所

託一作先亦不可奪也吾每讀向子平臺孝威傳慨然慕

之想其爲人加少孤露文選注引英雄記日向子平有道術爲縣功曹休歸自入山擔

薪賣以食飲又引後漢書作向長字子平又謝靈運去

郡詩曰畢娶類向子注引嵇康高士傳曰向長字子平

河內人又引後漢書作向長字子平案向向二字形近

易竊未知孰是日知錄曰魏晉間人以父亡爲孤露趙

彥深見母自母兄驕恣不涉經學又讀老莊重增其放

陳幼小孤露

故使榮進之心日積任逸之情轉篤阮嗣宗口不論人

過吾每師之而未能及至性過人與物無傷惟飲酒過

差耳至爲禮法之士所繩疾之如仇讐幸賴大將軍保
持之耳吾以不如嗣宗之資

文選資作賢文選考異曰
按注則本文賢字疑資

而有慢弛之闕又不識物情闇於機宜無萬石之慎而
有好盡之累久與事接疵釁日興雖欲無患其可得乎
又聞道士遺言餌朮黃精令人久壽意甚信之游山澤
觀魚鳥心甚樂之一行作吏此事便廢安能舍其所樂
而從其所懼哉夫人之相知貴識其天性因而濟之禹
不逼伯成子高全其長也仲尼不假蓋於子夏護其短
也近諸葛孔明不迫元直以入蜀華子魚不彊幼安以
卿相此可謂能相終始真相知者也自卜已審若道盡

塗殫則已耳足下無事冤之令轉於溝壑也吾新失母
兄之歡意常悽切女年十三男年八歲未及成人況復
多疾顧此悵悵如何可言今但欲守陋巷教養子孫時
時與親舊敘離闊陳說平生濁酒一杯殫琴一曲志意
畢矣豈可見黃門而稱貞哉若趣欲共登王塗期於相
致時爲懽益一旦迫之必發狂疾自非重讐不至此也
旣以解足下并以爲別此書旣行知其不可羈屈也性
絕巧而好鍛宅中有一柳樹甚茂乃激水圍之每夏月
居其下以鍛世說簡傲篇注文士傳曰康性絕交能鍛鐵家有盛柳樹乃激水以圍之夏天甚清涼恒居其下傲戲乃身自鍛家雖貧有人說鍛者康不受直惟親舊以雞酒往與共飲飲清言而已元和郡縣

圖志十六曰天門山今謂之百家巖在修武縣西北三十里以巖下可容百家因名上有精舍又有鍛竈處所即嵇康東平呂安世說簡傲篇注晉陽秋曰安冀州所居也東平呂安刺史昭之第二子志量開曠有拔俗風氣文選思舊賦注臧榮緒晉書曰呂安字仲悌服東平人也又褚淵碑文注引臧書曰呂安才氣高奇服康高致每一相思輒千里命駕康友而善之御覽四百寶晉紀曰相思則命駕千里從之或遇其行康兄喜位至方伯拭席而待弗之顧也獨宿車中康得設酒求康兒共歲則去世說簡傲篇注引干後安為兄所枉訴以寶晉紀作其相思則率爾命駕

事繫獄辭相證引遂復收康世說雅量篇注晉陽秋曰初康與東平呂安親善安嫡兄遜淫安妻徐氏安欲告遜遣妻以咨於康康喻而抑之遜內不自安陰告安搗母喪求徙邊安當徙訴自理辭引康文選思舊賦注干寶晉書續作曰嵇康呂安與阮籍山濤及兄異友善康有潛遜之志不能被褐懷玉矜才而上人安異庶弟俊才妻美異使婦人醉而幸之醜惡發露異病之告安誘已異於鍾會有寵大祖遂

徙安邊郡遺書與康昔李叟入秦及關而歎云云太祖惡之追收下獄康理之俱死魏志王粲傳注魏氏春秋日初康與東平呂昭子異及異弟安親善會異淫安妻徐氏而誣安不孝因之安引康為証康義不負心明保其事安亦性烈有濟世志力鍾會勸大將軍因此除之遂殺安及康裴松之曰案本傳云康以景元中坐事誅而干寶孫盛習鑿齒皆云正元二年司馬文王反自樂嘉殺嵇便應殺康也其寶不然云康欲舉兵應母王儉故謂破儉便應殺康也其寶不然云康欲舉兵應母王儉故謂康書告絕事之明審者也案濤行狀始以景元二年除吏部郎耳景元與正元相較七八年以濤行狀檢之知本傳為審又鍾會傳亦云會作司隸校尉時誅康會作司隸景元中也干寶云呂安兄異善於鍾會異為相國掾俱有寵於司馬文王王以景元四年鍾鄧平蜀後始刻瑪故遂抵安罪尋文王以景元四年鍾鄧平蜀後始授相國位若異為相國掾時陷安焉得以破母王儉年殺嵇呂此又干寶之疏謬自相違伐也文選恨賦注引臧榮緒晉書辭相證引上有壘閣之始安嘗以語康二句

康性慎言行一旦縲紲乃作幽憤詩曰嗟余薄祐少

遭不造哀榮靡識越在襁緥母兄鞠育有慈無威恃愛肆姐不訓不師爰及冠帶憑寵自放抗心希古任其所尙託好莊老賤物貴身志在守樸養素全眞曰予不敏好善聞人子玉之敗屢增惟塵大人含弘藏垢懷恥入之多僻政不由己惟此褊心顯明臧否感悟思愆怛若創痛欲寡其過謗議沸騰性不傷物頻致怨憎昔慙柳惠魏志王粲傳注引魏氏春秋柳惠作柳下今愧孫登內負宿心外慙良朋魏志王粲傳注引魏氏春秋柳惠作柳下仰慕嚴鄭樂道閑居與世無營神氣晏如咨予不淑嬰累多虞匪降自天寔由頑疏理弊患結卒致囹圄對答鄙訕繫此幽阻實恥訟冤時不我與

雖曰義直神辱志沮澡身滄浪曷云能補雍雍鳴雁厲
翼北游順時而動得意忘憂嗟我憤歎會莫能疇事與
願違邁茲淹留窮達有命亦又何求古人有言善莫近
名奉時恭默咎悔不生萬石周慎安親保榮世務紛紜
祇攬余情安樂必誠乃終利貞煌煌靈芝一年三秀予
獨何爲有志不就懲難思復心焉內疚庶助將來無馨
無臭採薇山阿散髮巖岫永嘯長吟頤神養壽初康居
貧嘗與向秀共鍛於大樹之下以自贍給潁川鍾會貴
公子也精練有才辯故往造焉康不爲之禮而鍛不輟
良久會去

魏志王粲傳注魏氏春秋曰鍾會爲大將軍
所昵聞康名而造之會名公子以才能貴幸

乘肥衣輕從如雲康方箕踞而鍛會至不爲之禮世說
簡傲篇曰鍾士季精有才理先不識嵇康鍾要於時賢
儁之士俱往尋康康方大樹下鍛向子期爲佐鼓排康
揚槌不輟傍若無人移時不交一言御覽入百三十三
鄧粲晉紀曰康坐坐以鹿皮屐康謂曰何所聞而來何
然正容不與之酬對會恨而去
所見而去會曰聞所聞而來見所見而去會以此憾之
魏志王粲傳注引魏氏春秋作有及是言於文帝曰嵇
所聞而來有所見而去會深銜之
康臥龍也不可起公無憂天下顧以康爲慮耳因譖康
欲助母丘儉賴山濤不聽魏志王粲傳注世語曰母丘
以問山濤濤曰昔齊戮華士魯誅少正卯誠以害時亂
不可儉亦已敗
教故聖賢去之康安等言論放蕩非毀典謨帝王者所
不宜容宜因釁除之以淳風俗世說雅量篇注文士傳
曰鍾會庭論康曰今皇

道開明四海風靡邊鄙無詭隨之民街巷無異口之議而康上不臣天子下不事王侯輕時傲世不為物用無益於今有敗於俗昔太公誅華士孔子戮少正卯以其負才亂羣惑眾也今不誅康無以清潔王道案齊戮華士魯誅少正卯以下諸語皆鍾會庭論之言也本傳上文既云言於文帝賴山濤不聽繼又敘入庭論之言證以文士傳疑非會一時之言帝既昵聽信會遂并害之康將刑東市

太學生三千人請以為師弗許世說雅量篇曰嵇中散臨刑東市神氣不變注

王隱晉書曰康之下獄太學生數千人請之於時豪傑皆隨康入獄悉解喻一時遣散又文士傳曰於是錄康閉獄臨死而兄弟親族咸與為別康顏色不變書鈔六十七王隱晉書曰晉文王教云嵇康學生三千人上書請康為博士御覽五百三十二戴延之西征記曰洛陽建春門外道北去二里有牛馬市嵇公臨刑處也水經穀水注曰陽渠水南即馬市舊洛陽有三康顧視日影市即其一也亦嵇叔夜為司馬昭所害處索琴彈之世說雅量篇注文士傳曰問其兄曰向以琴來不邪兄曰以來康取調之文選思舊賦注

引曹嘉之晉紀作顧日影援琴而彈魏志王粲曰昔袁傳注引魏氏春秋作康臨刑自若援琴而歌

孝尼嘗從吾學廣陵散吾每靳固之魏志王粲傳注引康別傳作吾每固

之不廣陵散於今絕矣時年四十海內之士莫不痛之與

世說雅量篇注文士傳曰爲太平引曲成歎曰太平引

於今絕也魏志王粲傳注引魏氏春秋作雅音於是絕

矣時人莫不哀之御覽五百九十六引李充袁宏及李

氏弔嵇中散文寶宇記十七日嵇康墓在臨渙縣西北

三十里帝尋悟而恨焉初康嘗游于洛西暮宿華陽亭引

琴而彈夜分忽有客詣之稱是古人與康共談音律辭

致清辯因索琴彈之而爲廣陵散聲調絕倫遂以授康

仍誓不傳人亦不言其姓字水經洧水注司馬彪曰華陽亭名在密縣嵇叔夜嘗

采藥於山澤學琴於古人卽此亭也御覽一百九十四郡國志曰冀州華陽亭卽嵇康夜學琴於此又五百七

十九靈異志曰嵇中散神情高邁任心游憩嘗行西南
出去洛數十里有亭名華陽投宿夜了無人獨在亭中
此亭由來殺人宿者多凶至一更中操琴先作諸弄而
聞空中稱善聲中散撫琴而呼之曰君何以不來此人
便答曰身是古人幽沒於此數千年矣聞君彈琴音曲
清和故來聽耳而就終殘毀不宜以接待君子向夜彷彿
見以手持其頭遂與中散共論聲音其辭清辯謂中
散君試過琴於是中散以琴授之既彈悉作眾曲亦不
出常唯廣陵散絕倫中散纔從受之半夕悉得與中散
誓不得教他人又不得言其姓也又六百四十四語林
曰嵇中散夜彈琴忽有一鬼著械來歎其手快曰君一
絃不調中散與琴調之聲更清婉問其名不對疑是蔡
伯喈伯喈將亡亦被桎梏案本傳云游于洛西靈異志
云西南去洛數十里則華陽亭不得在冀川矣御覽所
引郡國志疑有譌文寰宇記六十三亦以華陽亭在冀
州阜城縣恐有傳聞之誤當從司馬彪在密縣爲是
康善談理又能屬文魏志王粲傳注魏氏春秋曰康所
著諸文論六七萬言皆爲世所玩

詠隋志嵇康集十三卷注云梁有
十五卷亡兩唐志仍作十五卷

其高情遠趣率然立

遠撰上古以來高士爲之傳贊欲友其人於千載也魏志
王粲傳注稀喜爲康傳曰撰錄上古以來聖賢隱逸遁
心遺名者集爲傳贊自混沌至於管寧凡百一十有九
人蓋求之於宇宙之內而發之乎千載之外者矣故世
人莫得而名焉隋志雜傳類聖賢高士傳贊三卷稀康
撰周續之注唐志作上古以來聖賢高士傳通志略三
賢高士傳通志略三誤爲續之撰又作太師箴亦足以
明帝王之道焉復作聲無哀樂論甚有條理子紹別有
傳

向秀

向秀字子期河內懷人也元和姓纂九曰後漢侍中向
生雄珍清悟有遠識世說言語篇注向秀別傳曰弱冠
珍生秀是其族人所作困於不行乃少爲山濤所知雅
告秀欲假其名秀笑曰可復爾耳

好老莊之學莊周著內外數十篇歷世才士雖有觀者莫適論其旨統也秀乃爲之隱解發明奇趣振起玄風

讀之者超然心悟莫不自足一時也

隋志道家類向秀莊子注二十卷張

湛列子注屢引之釋文亦引向本世說文學篇注引秀本傳云或言秀游託數賢蕭屑卒歲都無注述惟好莊子聊應崔謨所著以備遺忘云又竹林七賢論云秀爲此義讀之者無不超然若已出塵埃而窺絕冥始了觀聽之表有神德元哲能遺天下外萬物雖復使惠帝之動競之人願觀所徇皆悵然自有振拔之情矣世郭象又述而廣之儒墨之迹見鄙道家之言遂盛焉始秀欲注嵇康曰此書詎復須注正是妨人作樂耳及成示康曰殊復勝不

世說文學篇注秀別傳曰秀與嵇康呂安爲友趣舍不同嵇康傲世

不羈安放逸適俗而秀雅好讀書二子頗以此嗤之後秀將注莊子先以告康康安咸曰此書詎須復注徒

棄人作樂事耳及成以示二子康曰爾故復勝不安乃驚曰莊周不死矣後注周易大義可觀而與漢世諸儒互有彼此未若隱莊之絕倫也又與康論養生辭難往案本傳不言呂安與別傳異

復蓋欲發康高致也康善鍛秀爲之佐御覽四百九向秀別傳曰常與

康偶鍛相對欣然偈若無人又共呂安灌園於山陽世說

於洛邑言語篇注向秀別傳曰與呂安灌園於山陽不慮家之

有無外物不足拂其心御覽四百九向秀別傳曰秀與

呂安灌園於山陽收其餘利以供酒食之費或率爾相

攜觀原野極游浪之勢亦不計遠近或經日乃歸復修

常業康既被誅世說言語篇注向秀別傳秀應本郡計入

洛文選思舊賦注引臧榮緒晉書郡計作州文帝問曰

計世說言語篇注引向秀別傳作何能自屈秀曰以

聞有箕山之志何以在此世說言語篇注引向秀別傳

爲巢許狷介之士未達堯心豈足多慕帝甚悅文選思舊賦注

晉書注卷四九

三

引臧榮緒晉書未達堯心下有是以來見一語世說言語篇注向秀別傳日常謂彼人不達堯意本非所慕也

一坐

秀乃自此役作思舊賦

文選思舊賦注引臧榮緒晉書作反自役作思舊賦

云余與嵇康呂安居止接近其人並有不羈之才

文選

賦注引臧榮緒晉書作始有不羈之志與嵇康呂安友世說言語篇注向秀別傳曰又與譙國嵇康東平呂安友善並有拔俗之韵其進止無

不同而造事營生業亦不異

嵇意遠而疎呂心曠而

放其後並

一作各

以事見法嵇博綜伎藝於絲竹特妙臨

當就命顧視日影索琴而彈之逝將西邁經其舊廬于

時日薄虞泉寒冰凄然鄰人有吹笛者發聲寥亮追想

曩昔游宴之好感音而歎故作賦日將命適於遠京兮

遂旋反以北徂濟黃河以汎舟兮經山陽之舊居瞻曠

野之蕭條兮息余駕乎城隅踐二子之遺迹兮愿窮巷

之空廬歎黍離之愍周兮悲麥秀於殷墟惟古一作昔

以懷今一作人兮心徘徊以躊躇棟宇在而弗毀兮形神

逝其焉如昔李斯之受罪兮歎黃犬而長吟悼穉生之

永辭兮顧日影而彈琴託運遇於領會兮寄餘命於寸

陰聽鳴笛之慷慨兮妙聲絕而復尋仁駕言其將邁兮

故援翰以寫心後為散騎侍郎轉黃門侍郎散騎常侍

在朝不任職容迹而已勞格按勘記曰案在禮傳庾純

禮善楊珉王恂華廙等充所親敬于是朋黨紛卒於位

然則秀實係奔競之徒烏得云容迹而已哉世說賞譽篇下曰秀子純悌並令淑有清流

二子純悌注竹林七賢論曰純字長悌位至侍中悌字

叔遜位至御史中丞晉諸公贊
日洛陽敗純悌出奔為賊所害

劉伶

劉伶字伯倫

文選思舊賦注五君詠注引臧榮緒晉書亦均作劉靈廿二史攷異二十一曰劉知

幾日舊晉史本無劉伶畢卓傳皇家新撰以補前史所

闕沈氏交翠軒筆記曰廣川書跋長安李不緒得晉七

賢帖世疑劉伶作靈李氏謂史容有誤然其字伯倫知

為伶也漢案文選酒德頌五臣注引臧榮緒晉書劉靈

字伯倫文苑英華卷十三皇甫湜醉賦昔劉靈作酒德

頌彭叔夏辨証云顏延之五君詠劉靈善閑閭吟攸繼

謚書以酒為名並作靈而唐太宗晉書本傳作伶故他書通

用伶云云又陸龜蒙酒賦有馥卓擒靈之伍我願先登

卓謂畢卓靈為劉靈蓋伶从令聲令靈古字通用荀子

疆國篇其在趙者刻然有苓而據松柏之塞注苓與靈

同說文引詩需雨其濛今詩作零虫部引詩螟蟊有子

今詩作蛤漢吳仲山碑神零有知隸釋云以零為靈劉

字伯倫木取伶倫之義而字無妨通作靈也案類聚八

十二亦引沛國人也身長六尺容貌甚陋放情肆志常作劉靈

以細宇宙齊萬物為心初學記十九梁祚魏國統日劉

放蕩悠焉獨暢自得一時常以宇宙為狹文選酒德頌

注臧榮緒晉書曰志氣曠放以宇宙為狹世說容止篇

日貌甚醜頽而悠悠忽忽土木形骸又文學篇澹默少

言文選五君詠注引臧榮緒晉書作靈潛嘿少言不妄交游與阮籍嵇康相遇

欣然神解攜手入林初不以家產有無介意常乘鹿車

攜一壺酒御覽四百九十八鄧粲晉紀曰劉伶常著袒

吾以天為屋服而乘鹿車客有詣伶值其裸袒責伶伶曰

任如此世說任誕篇君自不作語入我地中為宅舍劉

使人荷鍤而隨之謂曰死便埋我其遺形骸如此世說

篇注引名士傳作死便掘地嘗渴甚求酒於其妻妻捐

以埋土木形骸遨遊一世

酒毀器涕泣諫曰君酒太過非攝生之道必宜斷之伶

日善吾不能自禁惟當祝鬼神自誓耳便可具酒肉御覽

四百八十引竹林七賢論自誓下有以斷之三字妻從

類聚七十二引語林作卿可致酒五斗吾當斷之之

御覽四百八十竹林七賢論曰婦伶跪祝曰天生劉

伶以酒為名一飲一斛類聚七十二引語五斗解醒婦

兒之言類聚七十二引語林御覽四百八慎不可聽仍

引酒御肉隗然復醉嘗醉與俗人相忤其人攘袂奮拳

而往伶徐曰世說文學篇注引名士傳作其人攘袂而

一引竹林七賢論作必雞肋不足以安尊拳其人笑而

欲毀之伶顧而笑曰世說文學篇注引名士傳伶雖陶兀昏放而機應不

止世說文學篇注引名士傳伶雖陶兀昏放而機應不

作其人不覺廢然而返

差未嘗厝意文翰惟著酒德頌一篇

世說文學篇曰劉伶著酒德頌意氣

所其辭曰有大人先生

類聚七十二引下有者字

以天地為一朝

萬期為須臾日月為局

類聚七十二引局作戶

八荒為庭衢

行無轍迹居無室廬幕天席地縱意所如止則操卮執

觚

世說文學篇注引名士傳止作行觚作舉

動則挈榼提壺惟酒是務焉知

其餘有貴介公子搢紳處士問吾風聲議其所以乃奮

袂攘襟怒目切齒陳說禮法是非蜂

元作蜂

起先生於是

方捧罌承槽銜杯漱醪

類聚七十二引漱醪作歡醪

奮髯箕踞

類聚七十二

二引奮髯作奮鬚

枕麴藉糟無思無慮其樂陶陶兀然而醉悅

爾而醒

文選作豁爾

靜聽不聞雷霆之聲熟視不睹泰山之

形不覺寒暑之切肌利欲之感情俯觀萬物擾擾焉若

江海之載浮萍世說文學篇注引名二豪侍側焉如螺

贏之與螟蛉嘗為建威參軍泰始初對策盛言無為之

化時輩皆以高第得調伶獨以無用罷竟以壽終寰宇記

十三日劉靈墓在承縣東北二
十里案輿地紀勝三又謂在嘉

謝鯤

謝鯤字幼輿陳國陽夏人也寰宇記一日謝鯤太康人

不及本傳祖續典農中郎將父衡以儒素顯仕至國子

祭酒王接傳曰摯虞謝衡皆博物多聞賈謐傳曰國子

傳文學篇注晉陽秋曰衡晉碩儒隋志云梁有國子祭

酒謝衡集二卷亡唐志仍著錄案衡之官階諸書互異

未審孰是疑由博士為鯢少知名書鈔六十八晉中興祭酒復擢太子少傅也

知通簡有高識不脩威儀世說賞譽篇下注引江左名

而心整形濁而言清居身若穢動不累高四句又品藻

篇注鄧粲晉紀曰鯢與王澄之徒慕竹林諸人散首被

髮裸袒箕踞好老易能歌善鼓琴世說文學篇注晉陽謂之入達

業為王衍嵇紹並奇之永興中長沙王父入輔政時有疾

鯢者言其將出奔父欲鞭之鯢解衣就罰曾無忤容既

舍之又無喜色御覽六百四十九晉中興書曰值中朝

子時疾鯢名諧之父遂執欲鞭之鯢解衣伏頸神無動

容父異而釋之又無喜色勞格校勘記曰永興當作太

安太傅東海王越聞其名辟為掾任達不拘尋坐家僮

取官橐除名書鈔六十八晉中興書陳郡謝錄曰太尉東海王越聞其名辟以為掾時懼胡來攻

城多蓄薪柴鯤家僅
載取官蒿坐除名

干時名士王玄阮脩之徒並以鯤

初登宰府便至黜辱爲之歎恨鯤聞之方清歌鼓琴不
以屑意莫不服其遠暢而恬於榮辱鄰家高氏女有美
色鯤嘗挑之女投梭折其兩齒時人爲之語曰任達不
已幼輿折齒鯤聞之傲然長嘯曰猶不廢我嘯歌越尋
更辟之轉參軍事鯤以時方多故乃謝病去職避地于
豫章嘗行經空亭中夜宿此亭舊每殺人將曉有黃衣
人呼鯤字令開戶鯤憺然無懼色便於窗中度手牽之
脚斷視之鹿也尋血獲焉爾後此亭無復妖怪左將軍
王敦引爲長史以討杜弼功封咸亭侯母憂去職服闋

遷敦大將軍長史時王澄在敦坐見鯢談話無勸惟歎
謝長史可與言都不眴敦其爲人所慕如此鯢不徇功
名無砥礪行居身於可否之間雖自處若穢而動不累
高敦有不臣之迹顯於朝野鯢知不可以道匡弼乃優
遊寄遇不屑政事從容諷議卒歲而已每與畢卓王尼
阮放羊曼桓彝阮孚等縱酒敦以其名高雅相賓禮嘗
使至都明帝在東宮見之世說品藻篇注晉陽秋曰鯢隨王敦下入朝見太子於東
宮語及夕甚相親重問曰論者以君方庾亮自謂何如荅曰
端委廟堂使百僚準則鯢不如亮一丘一壑自謂過之
世說品藻篇注晉陽秋曰宗廟之美百官之富臣不如亮縱意邱壑自謂過之溫嶠嘗謂鯢子

尚曰尊大君豈惟識量淹遠至於神鑒沈深雖諸葛瑾之喻孫權不過也及敦將爲逆謂鯤曰劉隗姦邪將危社稷吾欲除君側之惡匡主濟時何如對曰隗誠始禍然城狐社鼠也敦怒曰君庸才豈達大理出鯤爲豫章太守又畱不遣藉其才望逼與俱下敦至石頭歎曰吾不復得爲盛德事矣世說規箴篇不復得作不得復鯤曰何爲其然但使自今以往日忘日去耳初敦謂鯤曰吾當以周伯仁爲尚書令戴若思爲僕射及至都復曰近來人情何如鯤對曰明公之舉雖欲大存社稷然悠悠之言實未達高義周顗戴若思南北人士之望明公舉而用之羣情

帖然矣

札樸曰北魏高湛墓志全帖民境帖字不隙案廣韻帖安也晉書謝鯤傳羣情帖然北史柳崇

傳境內

帖然崔亮傳百姓帖然袁翻傳求皆允帖南齊

書陸厥

傳鮑參帖之談其字並從立心案桂氏所見

本作帖汲古本作

是日敦遣兵收周戴而鯢弗知敦怒

帖當為後人所改

日君麤疏邪二子不相當吾已收之矣鯢與顗素相親

重聞之愕然若喪諸己參軍王嶠以敦誅顗諫之甚切

敦大怒命斬嶠時人士畏懼莫敢言者鯢曰明公舉大

事不戮一人嶠以獻替忤旨便以戮鼓不亦過乎敦乃

止敦既誅害忠賢而稱疾不朝將還武昌鯢喻敦曰公

世說規箴篇作

大存社稷建不世之勳然天下之心實有未達

然四海之內若能朝天子使君臣釋然

世說規箴篇注引晉陽秋曰鯢

實懷未達

曰不就朝覲懼天下私議也案萬物之心於是乃服杖

此二句當在若能朝天子之上

眾望以順羣情盡沖退以奉主上如斯則勳侔一匡名

垂千載矣敦曰君能保無變乎對曰鯢近日入覲主上

側席

魏書司馬叡傳側席下有待公二字

遲得見公宮省穆然必無虞矣

世說規箴篇注引晉陽秋作必無不虞之慮

公若入朝鯢請侍從敦勃然曰

正復殺君等數百人亦復何損於時

魏書司馬叡傳竟作何損朝廷

不朝而去是時朝望被害皆為其憂而鯢推理安常時

進正言敦既不能用內亦不悅軍還使之郡涖政清肅

百姓愛之

世說品藻篇注鄧粲晉紀曰鯢有勝情遠概為朝廷之望故時以庾亮方焉

尋卒

官時年四十三敦死後追贈太常諡曰康子尙嗣別有

傳

胡母輔之 子謙之

胡母輔之字彥國泰山奉高人也高祖班漢執金吾父原練習兵馬山濤稱其才堪邊任舉爲太尉長史終河

南令輔之少擅高名有知人之鑒

世說品藻篇注入王故事曰輔之少有雅

俗鑒

性嗜酒任縱不拘小節

書鈔一百四十八晉中興書曰胡母輔之等具飲酒

識散髮裸程閉戶不納外客

與王澄王敦庾敬俱爲太尉王衍所昵號

曰四友澄嘗與人書曰彥國吐佳言如鋸木屑罪罪不

絕誠爲後進領袖也辟別駕太尉掾並不就以家貧求

試守繁昌令始節酒自厲甚有能名

書鈔七十八晉中興書太山胡母錄

日始節酒為政甚美遷尚書郎豫討齊王囂賜爵陰平男累轉司

徒左長史復求外出為建武將軍樂安太守與郡人光

逸晝夜酣飲不視郡事成都王穎為太弟召為中庶子

遂與謝鯤王澄阮脩王尼畢卓俱為放達嘗過河南門

下飲河南騶王子博書鈔七十七引鄧粲晉紀作過河

博當為箕坐其傍輔之叱使取火子博曰我卒也惟不

乏吾事則已安復為人使書鈔七十七引鄧粲輔之因

就與語歎曰吾不及也薦之河南尹樂廣廣召見甚悅

之擢為功曹其甄拔人物若此東海王越聞輔之名引

為從事中郎復補振威將軍陳留太守王彌經其郡輔

之不能討坐免官尋除寧遠將軍揚州刺史不之職越復以爲右司馬本州大中正越薨避亂渡江元帝以爲安東將軍諮議祭酒遷揚武將軍湘州刺史假節到州未幾卒時年四十九子謙之

謙之字子光才學不及父而倣縱過之至酣醉常呼其

父字

御覽七百二語林曰胡母彥國至相州坐廳事斷

謂曰彥國復何爲自貽伊戚

輔之亦不以介意

御覽三百七十六引晉中興書作亦不怪

也談者以爲狂輔之正酣飲謙之闕而厲聲曰彥國年

老不得爲爾將令我尻背東壁輔之歡笑呼入與共飲

其所爲如此

御覽三百七十六引晉中興書作輔之還呼入與共飲酒其爲放達如此年未

三十卒

畢卓

畢卓字茂世新蔡銅陽人也

案地理志新蔡銅陽均屬汝陰郡惠帝時分汝陰立

新蔡蓋銅陽即改隸新蔡郡

父湛中書郎卓少希放達

書鈔六十御覽二百十六

引晉中興書作少亦放達世說任誕篇注引作少傲達

為胡母輔之所知太興末

為吏部郎常飲酒廢職比舍郎釀熟卓因醉夜至其甕

間盜飲之為掌酒者所縛

類聚四十八引晉中興書明作掌酒者不察執而縛之

明

旦視之乃畢吏部也遽釋其縛卓遂引主人宴於甕側

致醉而去

世說任誕篇注引中興書致醉作取醉

卓嘗謂人曰得酒滿數

百斛船四時甘味置兩頭右手持酒杯左手持蟹螯

類聚

四十八引晉中興書酒杯作酒卮御覽九百
四十二引郭子作一手持蟹螯一手持酒杯拍浮酒船
中便足了一生矣書鈔一百四十八引晉中興書酒船
中作酒池內類聚二十六初學記二
十六又引作池中御覽九百四及過江為溫嶠平南長
史世說任誕篇注引中興書曰溫
嶠素知愛卓請為平南長史卒官輿地紀勝十八
日晉畢卓墓在
當塗縣南
東龍山

王尼

王尼字孝孫通鑑晉紀作王尼注云案尼古仁字又音
夷王尼字孝孫或者當讀為仁字然永嘉
三年書河內王尼即此王尼也初學記二十
御覽六百三十四引王隱晉書作字季孫城陽人也
或云河內人本兵家子寓居洛陽卓犖不羈初為護軍
府軍士胡母輔之與琅邪王澄北地傅暢中山劉輿潁

川荀邃河東裴遐迭迭屬河南功曹甄述及洛陽令曹攄請解之攄等以制旨所及不敢輔之等齎羊酒詣護軍門門吏疏名呈護軍護軍歎曰諸名士持羊酒來將有以也尼時以給府養馬輔之等人遂坐馬廐下與尼炙羊飲酒醉飽而去竟不見護軍護軍大驚卽與尼長假因免爲兵

初學記二十王隱晉書曰洛中貴盛名士王大將軍幕澄等持羊酒詣軍門吏疏名內請入見大將軍澄等語吏過王尼炙羊飲酒訖而去竟不見將軍將軍聞之與尼長假遂得離兵御覽四百七晉中興書曰有王尼者出寒微輔之庾顗王澄等共爲美談又六百三十四引王書作時尼爲兵曹元和姓纂曰甄逸中山無極人逸子嚴孫暢暢生紹紹生述隋志梁有征西諮議甄述集十二卷亡唐志著錄五卷書鈔一

百三十六御覽六百九十七均引甄述詩

東嬴公騰

辟爲車騎府舍人不就時尙書何綏奢侈過度尼謂人
曰綏居亂世矜豪乃爾將死不久人曰伯蔚聞言必相
危害尼曰伯蔚比聞我語已死矣未幾綏果爲東海王
越所殺初入洛尼詣越不拜越問其故尼曰公無宰相
之能是以不拜因數之言甚切又云公負尼物越大驚
曰寧有是也尼曰昔楚人亡布謂令尹盜之今尼屋舍
資財悉爲公軍人所略尼今飢凍是亦明公之負也越
大笑御覽入百十七王隱晉書曰尼見太傅越曰公負
尼物越答初不識此事尼曰昔楚人失布謂令尹
盜者以令尹執政不能奉禮率法至使盜賊公行是與
自盜無異也尼舍資財軍寇撥略公爲宰輔未能禁賊
令尼窮困是亦明公卽賜絹五十匹諸貴人聞競往餉
負物也越意解大笑

之洛陽陷避亂江夏時王澄爲荊州刺史遇之甚厚御覽

四百入十六晉中興書曰王澄時尼早喪婦止有一子爲荊州刺史見之欣喜厚供給之

無居宅惟畜露車有牛一頭每行輒使子御之暮則共

宿車上常歎曰滄海橫流處處不安也俄而澄卒荆土

饑荒尼不得食乃殺牛壞車煮肉噉之既盡父子俱餓

死書鈔一百四十一王隱晉書曰遭大荒

羊曼弟聘

羊曼字祖延世說雅量篇注引太傅祐兄孫也父暨陽

平太守曼少知名本州禮命太傅辟皆不就避難渡江

元帝以爲鎮東參軍轉丞相主簿委以機密厯黃門侍

郎尙書吏部郎晉陵太守以公事免曼任達積縱好飲

酒顏氏家訓書證篇曰晉中興書大山羊曼常積縱任

俠飲酒誕節世說雅量篇注引曼別傳作積縱宏任

御覽四百七引晉中興書作積縱宏狂溫嶠庾亮阮放桓彝同志友善並

爲中興名士時州里稱陳留阮放爲宏伯高平郝鑒爲

方伯泰山胡母輔之爲達伯濟陰卞壺爲裁伯陳留蔡

謨爲朗伯阮孚爲誕伯高平劉綬爲委伯御覽四百七

秀伯作而曼爲駮伯中興書充州號爲駮伯此字更無

音訓梁孝元帝嘗謂吾曰由來不識唯張簡憲見教呼

爲駮羹之騷自爾便遵承之亦不知所出簡憲是湖州

刺史張績謚也江南號爲碩學案法盛世代殊近當是

耆老相傳俗間又有駮駮語蓋無所不施無所不容之

意也顧野王玉篇誤爲黑傍杏顧雖博物猶出簡憲孝

元之下而二人皆云重邊吾所見數本並無作黑者重

脊是多饒積厚之意從黑更無義旨學林曰案黠從黑
黠從重二字雖同音榻而義各不同玉篇廣韻皆曰黠
羊曼爲黠伯黠積厚也蓋羊曼爲黠伯從黑而顏氏家
訓乃用從重之黠是以推其義不行也顏氏所引乃盛
宏之晉書乃唐太宗所修於羊曼傳用從黑之黠爲不誤
矣晉書羊曼傳曰曼任達積縱好飲酒爲中興名士號
兖州八伯蓋擬古之八儔也若如顏氏家訓所稱則多饒積
是入儔之中居一儔也若如顏氏家訓所稱則多饒積
厚與夫黠黠無賢不肖之辨皆非美稱矣非美稱則豈
容在入儔之列今按羊曼以任達積縱好飲酒而得黠
伯之名則黠者豁達不拘小節之稱也顏氏所訓與此
皆不合凡八人號兖州八伯世說雅量篇注引曼別傳作
謂之八達是當時亦蓋擬古之八儔也王敦既與朝廷
乖貳羈錄朝士曼爲右長史曼知敦不臣終日酣醉諷
議而已敦以其士望厚加禮遇不委以事故得不涉其

難敦敗代阮孚爲丹楊尹時朝士過江初拜官相飾供

饌世說雅量篇曼拜丹楊客來早者得佳設日宴則漸

罄不復及精隨客早晚而不問貴賤有羊固拜臨海太

守世說雅量篇注明帝東宮僚屬名曰固字道安太山人文字志曰固父坦車騎長史固善草行著名一時

避亂渡江累遷黃門侍郎竟日皆美雖晚至者猶獲盛饌

郎褒其清儉贈大鴻臚世說雅量篇論者以固之豐腆豐腆作豐華乃不如曼之眞率蘇峻

作亂加前將軍率文武守雲龍門讀史方輿紀要二十

苑記大司馬門南直宣陽門其王師不振或勸曼避峻

門內曰雲龍門則殿前正門也曼曰朝廷破敗吾安所求生勒衆不動爲峻所害年五

十五峻平追贈太常子賁嗣少知名尙明帝女南郡悼

公主除祕書郎早卒弟聃

聃字彭祖少不經學時論皆鄙其凡庸先是兗州有八

伯之號其後更有四伯大鴻臚陳留江泉以能食爲穀

伯豫章太守史疇以大肥爲笨伯

御覽三百七十八引晉中興書江泉作江

淵史疇上有陳留二字案唐人避諱改淵爲泉自江

郎高平張疑以狡妄爲猾伯而聃以狼戾爲瑱伯

御覽三百

七十入引晉中興書狼戾作猥戾

蓋擬古之四凶聃初辟元帝丞相府

累遷廬陵太守

太平廣記一百二十六引還冤記作廬江剛克麤暴恃國戚

縱恣尤甚睚眦之嫌輒加刑殺疑郡人簡良等爲賊殺

二百餘人誅及嬰孩所髡鑠復百餘庾亮執之歸于京

都有司奏聘罪當死

太平廣記一百二十六還冤記曰右司馬奏聘殺郡將吏及民簡夏

等二百九十人徒謫一百餘人應棄市

以景獻皇后是其祖姑應八議成

帝詔曰此事古今所無何入議之有猶未忍肆之市朝

其賜命獄所兄子賁尙公主

太平廣記一百二十六還冤記曰聘兄子賁先尙南

郡公主

自表求解婚詔曰罪不相及古今之令典也聘雖

極法於賁何有其特不聽離婚琅邪太妃山氏聘之甥

也入殿叩頭請命王導又啟聘罪不容恕宜極重法山

太妃憂戚成疾陛下罔極之恩宜蒙生全之宥於是詔

下曰太妃惟此一舅發言摧咽

太平廣記一百二十六還冤記摧咽作摧餒

乃至吐血情慮深重朕往丁荼毒受太妃撫育之恩同

於慈親若不堪難忍之痛以致頓弊朕亦何顏以寄廣記一百二十六引今便原聘生命以慰太妃渭陽之還冤記以寄作自處思於是除名頃之遇疾恆見簡良等為崇旬日而死廣記一百二十六引還冤記作少時聘疾病恆見簡良等曰枉豈可受今來相取自由黃泉經宿死平

光逸

光逸字孟祖

通鑑晉紀注曰姓譜光姓燕人田光之後秦末子孫避地因以為氏書鈔一百三十

四引晉中興書作字益祖

樂安人也初為博昌小吏縣令使逸送客

書鈔一百三十四引晉中興書作使他往

冒寒舉體凍涇還遇令不在逸解

衣炙之入令被中卧令還大怒將加嚴罰逸曰家貧衣單沾涇無可代若不暫溫勢必凍死柰何惜一被而殺

一人乎

書鈔一百三十四晉中興書曰入縣令被中寢令詰之逸曰冒雨沾淫如不易衣必至陳死何

惜一被而

君子仁愛必不爾也故寢而不疑令奇而釋

殺一人

之書鈔一百三十四引晉中興書作令奇而不問

後爲門亭長迎新令至京師

胡母輔之與荀邃共詣令家望見逸謂邃曰彼似奇才便呼上車與談良久果俊器令怪客不入吏白與光逸語令大怒除逸名斥遣之後舉孝廉爲州從事棄官投輔之輔之時爲太傅越從事中郎薦逸於越越以門寒而不召越後因閑宴責輔之無所舉薦輔之曰前舉光逸公以非世家不召非不舉也越卽辟焉書到郡縣皆以爲誤審知是逸乃備禮遣之尋以世難避亂渡江復

依輔之初至屬輔之與謝鯨阮放畢卓羊曼桓彝阮孚散髮裸裎閉室酣飲已累日逸將排戶入守者不聽逸便於戶外脫衣露頭於狗竇中窺之而大叫輔之驚曰他人決不能爾必我孟祖也遽呼入遂與飲不捨晝夜時人謂之八達元帝以逸補軍諮祭酒中興建爲給事中卒官

史臣曰夫學非常道則物靡不通理有忘言則在情斯遣其進也撫俗同塵不居名利其退也餐和履順以保天真若乃一其本原體無爲之用分其華葉開寓言之道是以伯陽垂範鳴謙置式欲崇諸己先下於人猶大

樂無聲而踰驚斯應者也莊生放達其旨而馳辯無窮
棄彼榮華則俯輕爵位懷其道術則顧蔑王公砥疇兼
車鳴鳶吞腐以茲自口於焉翫物殊異虛舟有同攘臂
嵇阮竹林之會劉畢芳樽之友馳騁莊門排登李室若
夫儀天布憲百官從軌經禮之外棄而不存是以帝堯
縱許由於埃壙之表光武舍子陵於潺湲之瀨松蘿低
舉用以優賢巖水澄華茲焉賜隱臣行厥志主有嘉名
至於嵇康遺巨源之書阮氏創先生之傳軍諮散髮吏
部盜樽豈以世疾名流茲焉自垢臨鍛鑿而不迴登廣
武而長歎則嵇琴絕響阮氣徒存通其旁徑必彫風俗

召以效官居然尸素軌躅之外或有可觀者焉咸能符契情靈各敦終始愴神交於晚笛或相思而動駕史臣是以拾其遺事附于篇云

贊曰老篇爰植孔教提衡各存其趣道貴無名相彼非禮遵乎達生秋水揚波春雲斂映旨酒厥德憑虛其性不翫斯風誰虧王政

晉書斟注卷四十九